DEVX TRAITTEZ

DV REGIME

DE VIVRE POVR LA CONSERVATION DE LA santé du corps & de l'Ame, iusques à vne extreme vieillesse.

Traduction Françoise du Latin du R.P. LEONARD LESSIVS de la Compagnie de I ESVS.

Par SEBASTIAN HARDY, Parissen Sieur de la Tabaize.



A PARIS,

Chez GVILLAVME LOYSON, au Palais, en la gallerie des prisonniers.

M. DC. XXIII. Auec Prinilege du Roy.

1 2 *3* 4 5 6 7 8

MIDIA VO ALLERON TARRETTE . Hidig an Green & In higher F. may be Land duly The property Lieu as see Million TESTON H WESTER LE W. 727 A Super March William In A B I S.

munkt they be he had be called to the called the called

M. DC. XXIII.



A MONSEIGNEVR

MONSEIGNEVR SEGVIER

SEIGNEVR DE FOVRQUIEVX,

Cheualier Confeiller du Roy en ses

Conseils d'Estat & Priué, & President du Parlement.



ONSEIGNEVR,

S'il estoit loisible de déferer comme criminels tous nos Escriuains modernes qui réplis-

sent leurs Epistres liminaires de slateries ou plustost de mensonges trop apparés, la Tournelle ne seroit occupee qu'en la vuidange de tels procez. Les Atheniens condamnerent Demagoras en dix talens d'amande, pour auoir appellé Alexadre Dieu, & Euagoras à la mort pour l'auoir adoré: afin de tesmoigner combien est pernicieus el a consequence

EPISTRE.

de trop louër les grands, ode leur attribuer des vertus, qu'ils ne recognoissent seulement en peinture. Ce crime au rapport de Tacite estoit tout nouueau de son temps, & Cremutius Codrus, qui en fut accusé, auoit seulement fait couler en ses Annales quelques. loüanges de Marcus Brutus: & dit, que Cassius auoit esté le dernier des vrays Romains. Mais chaeun maintenant en fait mestier on marchandise, on n'en veux excepter les plus religieux qui font professio de dire la verité par tout ailleurs, lesquels se donnent la liberté par vne effronterie trop servile & impudente, pour sinsinuer en la faueur des grands, & se maintenir en credit, de distribuer à pleines mains à chacun bout de champ, comme Symmachus faisoit à Theodose, des eternités, des sainctetés, en des divinités : attributs qui ne conviennent qu'à Dieu seul, priuatiuement à tous autres. Ores en vous adressant ceste traduction, sans encourir le vice que ie blasme en autruy, ie puis

EPISTRE.

dire qu'entre toutes les vertus que vous auez tousiours cheries, la sobrieté vous a esté en singuliere recommandation, comme celle qui est la mere des bons conseils, o qui a ceste prerogative comme disoit vn Lacedemonien, de faire que nous sommes recherchez pour conseiller les autres, sans qu'il nous soit besoing de mandier des aduis pour la conduite de nos actions ailleurs que de nous mesmes. Si la pratique de ses ordonnaces qui vous a conserué iusques à maintenat en vne santé robuste & vigoureuse qui n'a receu aucune attainte de maladie, vous a donné toutes sortes de contentemens, posible qu'à vos heures defrobees vous ne desdaignerez de voir, ce que deux grands personnages de nostre temps ont rapporte de l'experience qu'ils en ont faite en leurs propres personnes.

> Vostretres humble & tresobeissant serviceur

> > S. HARDY.

AV LECTEVR.



E tiltre de cellure chatoùillera l'apetit de tous ceux qui iettecon la veuë deffus, & leur donnera l'enuie de le fucilleter d'vn bour à l'autre, & fuis fort afleuté que s'ils n'ent le goult totallement depradé, ou qu'ils ne foiét dépoutueus de fens comun, qu'ils ytrouueront dequoy contenter leur

louable curiofité. Cat ce que nous defirons auec plus de paffion pour nous, & pour ceux à qui nous auons voité de l'amitie & du feruice, c'est vne longue & parfaite fanté du corps & de l'ame. Aussi la liaison est fi estroite de l'vn aucc l'autre, & leurs interells sont tellement conjoincts, que nous pouvons dire auceverité qu'ils sont comme par vne obligation solidaire engagez en la souffrance de leurs maux, & en la communauré de leurs biens. Ores ces deux traictez porrent lettres de creance, à ceux qui sont trauaillez de maladies inueterces, d'vn notable soulagement de leurs douleurs plus violentes, à ceux qui sont d'vne foible & delicate complexion, d'vne prolongation de leurs iours, accompagnee d'vne bonne dilpo fition, & aux micux copofez & plus robu. fles, d'vn affranchissemet de toutes sortes d'incommoditez ; mais qui plus est, à l'ame de ses libres fonctions, ou plustost de la maistrise de ses passions, qui autrement la pourroient porter aux defreiglemens & aux desbauches, Ie ne doute pas que l'exacte & ponctuelle oblernation d'vn regime de viure, auquel les deux autheurs de ces discours se sont affuicfis, ne foir odicule à aucuns, & ne donne occasion de rire aux autres, qui n'ont volonté de faire le femblable ; mais en gros il faut tomber d'accord que l'excez du boire & du manger nuir tellement au corps, qu'il rend les humeurs acres, les elchauffe, les enflamme, altere les esprits. caufe vneinfinité de fluxions, aigrit l'humeur melancholique, & s'il est immoderé, dislipe la substance des parties solides, qui est le fiege de a chaleut naturelle , refroidit tout le corps, diminue & affoiblit les forces, trouble l'imagination depossede la raison de son siege, & rend la memoire labile,

AV LECTEVR

voire monstrueuse en deffectuosité. Comme auffi le bon regime de viure soigneusement gardé lequel se familiarise par l'accoustumance, est entre tous les remedes le plus puissant, le plus plaisant, & le plus singulier, specialement aux maladies longues & inueterees, & peut auec le temps remettre la bonne habitude du corps, & corriger la mauvaile, empesche la naissance des maladies, en defracine la semence , dissipe & euacuë doucement les humeurs superfluës , & fait que toutes les parties du corps en demeurent plus fortes & vigoureuses. En fin le but principal de ces difcours n'est autre, que defaire toucher au doigt & à l'œil , les commoditez que la sobrieté procure à ceux qui prennent langue d'elle pour se ranger fous l'observance de les loix ; & d'ailleurs de blasmer l'intemperace pour l'Iliade d'incommoditez & de maladies qu'elle attire apres elle, afin de nous faire embrasser celle la à bras ouuerts, comme mere des vertus, & fuyr celle cy com-me l'asyle & le refuge de toutes sortés de vices & d'imperfections:

EXTRAIT DV PRIVILEGE du Roy.

PAr grace & priuilege du Roy, il est permis à Guillaume Loyson, marchand Libraire à Paris, d'imprimer ou faire imprimer, vendre & distribuer vn Liure intiulé regime de viuve pour la confernation du corps & de l'ame, du Pere Lessius de la Compagnie de I es vs, mis en François par Sebastian HardyReceueur des tailles du Mans, & ce pour le temps & espace de six ans. Et dessences sont faires à tous Libraires & Imprimeurs, d'imprimer ou saire imprimer ledit Liure sans le consentement & permission dudit Loyson, à peine de consiscation desdits Liures, & des peines portees par ledit Privilege, donné à Paris le 7. Inillet 1622.

Par le Confeil.

LE GRAND.

Signe'

BERGERON.

REGIME DE VIVRE pour la conservation de la santé du corps & de l'ame, iusques à l'extreme vieillesse.

Lystevas Autheurs
ont doctement & amplement escrit de la
conservation de la san-

té: mais ils chargent les hommes de tant de remedes, ils font tant d'observations, ils requierent tant de precautions en ce qui concerne le boire & le manger, la qualité & quantité d'iceux; en ce qui regarde pareillement l'air, le soinmeil, l'exercice du corps, la saison de l'annee, les purgations, les saignees: Ils ordonent en apres tant Regime de viure

de coserues, tant d'opiates, & tant d'autres remedes, qu'il ne faudroit occuper sa vie qu'à vn soin perpetuel pour les obseruer curieusement, & que ce seroit vne pure seruitude que de l'efforçer à les garder entierement. Mais il arriue souuent peu ou point de profit de tous ces remedes, par la faute de ceux qui ne font pas ce qui est principalemet requis. Car la plus grande part des hommes se gouvernent selon leur appetit, & n'vsent des viades sinon qu'autant qu'elles leur plaisét au goust: Ils veulent faccommoder à l'vsage commun, & faire bonne chere: tellement que tout tel regime de viure ne leur sert nullemet. Pourtant plusieurs ne faisant point de compre des ordonnances de la Medeçine, se laissent aller, ou selon que la nature les pousse, ou !

à la premiere rencontre, & estiment que c'est vne miserable chose que d'assujettir sa vie aux regles que les Medecins ordonnent, & que suiuat le prouerbe commun: Celuy qui vit medicinalement, vit miserablement, qu'il n'est rien tel que de manger abondammet de toutes sortes de viandes, que de contenter les appetits, & auoir touliours le ventre plein. Ils font par iour deux ou trois bos repas, vient de tous mets, & en mangent outre mesure. Apres le repas sans aucun interuale, ils occupent leur espritaux affaires serieuses, iamais ne se resoudent de se purger en certaines saisons, s'ils ne sont pressez de maladie, pensans qu'il ne leur peut mes-aduenir, pourueu qu'ils ne sentent nulle incommodité de leurs personnes. De là procede qu'il se fait vn amas de mauRegime de viure

ualfes humeurs, qui par succession de temps s'augmentent, se corrompent & deuiennent malignes; si bien qu'à la premiere occasion, pour legere qu'elle soit qui se presente, ou par la chaleur, ou par la froidure, ou par le trauail, par les vents fascheux, ou par quelque autre excez elles s'eschaussent, & engendrent des maladies mortelles.

Quantà moy, i'ay veu vn grand nombre d'éxcellens personnages pour ceste raison mourir en la steur de leur aage; qui prenant garde à leur santé, pouuoient vitire long-temps, & prositer grandement au public, soit par leur doctrine, soit par leur bonne vie, & s'acquerir au Ciel quelque plus grande recompense. Il y en a pareillement beaucoup qui viuent mal sains. & dans les Monasteres, du corps & de l'ame.

& dans le monde pour ignorer ces remedes, qui ne peuuent vaquer à leurs estudes, & aux autres fonctions de l'esprit, comme ils le destreroient bien, & comme leur vacation le requiert no monde leur

Ce qu'ayant consideré depuis plufieurs annees en diuers lieux ay pensé que ie ferois vn grand coup, si ie metrois en auant les mesmes remedes de la conseruation de la santé, dont le me suis seruy depuis beaucoup d'annees, apres auoir esté long-temps malade, par le moyen desquels ie me suis bien porté, & me suis rendu plus idoine à toutes les fonctions de l'esprit, apres auoir esté condamné d'aucuns bons Medecins; qui ne me donnoient plus que deux annees de vie; par lesquels mesmes remedes aucuns des noftres, & pareillement plusieurs auRegime de viure

tres saincts personnages & Philosophes és siecles passez, se sont loguement maintenus en bone dis-

polition.

Les remedes consistent principalement en vn bon regime de vie, & vn certain reglement au boire & au manger, qui ne foit nullement importun, qui n'affoiblisse & ne debilite le corps, mais qui l'accommode à la nature, & qui resiouysse & fortifie les forces du corps, worker

Comme l'estois en ceste deliberation, vn personnage de merite me mit en main vn certain Traitté en langue Italienne, de la sobrieté de la vie, composé par Louys Cornaro Venitien, homme de grand esprit, d'honneur & de moyens, & qui estoit marié: auquel il fait vne merueilleuse estime de ce regime de vie, & l'approuue par l'experiece qu'il en a faite en sa personne .La le-Aure de ce Liure ine donna beaucoup de contentement, & dés lors ie le jugé entierement digne d'estre traduict en Latin, pour le rendre commun à tous ceux qui entendent la langue, mettant à l'auant-garde ce mien petit Traitté.

Mais ceste matiere ne doit estre trouuée esloignée de ma vacation, laquelle est de la Theologie, & non de la Medecine. Car, outre ce que ie n'ay pas consommé peu de temps en l'estude de la Medecine, ceste entreprise n'est nullement escartee du but d'vn Theologien, estant ce discours de la Temperance, qui est vne vertu tresbelle, de ce en quoy elle consiste, de ses extremitez, de la mesure de son obiect, comment il faut rechercher ceste mesure, & pour conclusion des fruicts qu'on en peut recueillir. Partant ceste consideration ne dépend pas tellement de la medecine, qu'il ne conuienne aussi à la Theologie, & à la Philosophie morale d'en parler à sa mode, & d'en dire sa ratelee.

Dauantage la fin & le but où ie. tends principalemet est fort conuenable au Theologien, n'estant autre, que de doner quelque moyen facile à plusieurs Religieux, & autres personnes adonnez à la deuotion, par lequel ils puissent longuement seruir Dieu plus aysément, plus alaigrement, & quec plus de ferueur, auec vn extreme contentement d'esprit, & meriter dauantage en la vie eternelle. Car. il est incroyable de reciter auec combien d'agilité & de consolation interieure ont ceux qui se

sont adonnez à viure sobrement, encores qu'ils ne soient que mediocrement versez en science de tels remedes, vaquent à l'oraison, recitét leurs prieres Canoniques, celebrent le saince sacrifice de la Messe, s'occupent à la meditatió des choses divines, & lisent les sainctes Escritures. Voila mon principal but, & mon souuerain desir. Ie ne m'arreste au grand profit qui en peut reuenir à toutes autres personnes, soit pour le progrés de leurs estudes, soit pour toutes autres affaires, où les fonctios de l'esprit sot necessaires, afin d'en venira bout plus aisément : mais de ces commoditez& autres, nous en parleros expressemet cy apres. Partant soit que vous ayez esgard au sujet, soit à la fin, ce traitté ne doir estre tenu pour estre repugnant à la profession d'vn Theologien.

Afin donques de commencer nostre discours, nous dirons en premier lieu, ce que nous entendons, parlans de la sobrieté de viure. En second lieu, par quelle voye & moyen l'on peut luy ordonner vne iuste mesure. En troisiesme lieu, quels sont les fruicts & les commoditez qui en prouiennent.

Quant au premier poinct, nous appellons la sobrieté de vie, qui ne met pas seulement vne regle au boire, mais aussi au manger, tellement que l'on ne boiue ne mange qu'autant que la naturelle constitution du corps le requiert, sans empescher les fonctions de l'ame. Cela mesme appellons-nous regime de vie, vie reglee & temperee: Cartout celane signifie qu'vne mesme chose. Pourtant le boire & le manger est le principal fujer, auquel confifte la temperance ou fobrieté de vie, esquels elle obserue constamment vne iustremesure: en apres elle nous garde curieusement des autres excés, come de la bouche, de la froidure & chaleur excessiue, du grand trauail & autres choses pareilles, qui sont contraires à la santé, & empeschent les actions de l'esprit.

Mais ceste mesure n'est pas esgale à tous, mais beaucoup disferente, selon les diuers temperaments des corps; selon la force & l'aage. Car il faut que celuy qui est en la sleur de son aage, le vieillard, le robuste, le delicat, le sain, le malade, le bilieux & le pituiteux, se comportent tous d'vne saçon dissemblable, comme la faculté du ventricule est disserente aussi en chacun d'iceux; suiuant laquelle, autant que faire se pour-

ra, on doit esgaler & prendre ces mesures pour le boire & le manger. Car chacun se doit mesurer à ce que son estomach peut parfaitemet digerer, & qui suffit pour la nourriture du corps, sans que l'esprit & le corps parmy leurs occupations en recoiuent aucun empeschement, auquel effect le boire & le manger sont desti nez. Ie disparmy les occupation de l'esprit & du corps, dautant qu'il faut dauantage à boire &à manger à celuy qui trauaille & exerce le corps, qu'à celuy qui est entierement occupé à l'estude, à la meditation, à l'oraison, & aux autres exercices de l'esprit. Car les fonctions de l'esprit retardent & empeschent beaucoup la digestion: soit qu'en attirant en haut toutes les forces de l'ame, ils suspendent aucunement les actions

du corps en de l'ame. des facultez interieures; comme nous esprouuons quand attentifs aux estudes & à l'oraison, nous n'entendons pas l'horologe sonner, & n'apperceuons pas mesme ce qui est deuat nos yeux, soit que les esprits animaux vitaux & naturels foiét destournez & empeschez ailleurs. De là arriue bien souvent qu'il convient donner deux fois moins à boire & à manger à ceux qui vaquent à l'estude & aux fonctions de l'esprit, qu'à celuy qui exerce son corps perpetuellemer, encore qu'ils soient esgaux, & en aage & en force du corps.

Pourtant il faut trouuer la difficulté qu'il y a pour garder ceste mesure: ce que sainct Augustin a remarqué contre Iulian, liure 4. chap. 14. en ces termes: Quand, dit-il, nous viendrons à l'vsage d'un plaisir necessaire pour

la nourriture du corps, qui est celuy qui puisse par paroles expliquer comme ce plaisir ne nous laisse arrester aux bornes de la necessité, & demeurer dans les limites de nostre salut, & comme à lors qu'il se rencontre quelques morceaux frians, il nous cache finement ces bornes & ces limites, comme s'il nous les desroboit, on nous fait passer par dessus, pensans que ce qui nous deuroit suffire n'est pas assez : co tandis que nous nous laissons emporter à telles persuasions, au lieu de trauailler vtillement pour nostre santé, nous faisons les affaires de la volupté. Tellement que la friandise ne sçait pas où la necessité se termine; Par lesquelles paroles il attribuë la cause de ceste difficulte à la volupté, qui fair que nous ne sentons pas quand nous sommes paruenus à vne mesure raidu corps en de l'ame.

fonnable, & cache les bornes afin que nous les outre-passions: & nous persuade de faire pour la necessité, ce que nous faisons pour la volupté. Pourtant en second lieu nous auons à desduire par quels moyens il nous faut rechercher ceste mesure, rapportant à ce propos quelques maximes, defquelles elle pourra estre recueillie.

Mais quelques-vns me diront: Il n'est ja besoin qu'és Monasteres quelqu'vn se trauaille de prescrire des regles, veu qu'il y a ja vn ordre estably, & que les Superieurs y ont iudicieusement pourueu, ayant ordonné selon les saisons la portion de poisson, d'œufs, de chair, de legumes, de ris, de fruicts, de beurre, de fromage, de ceruoise, de vin, qui doit estre distribuee à chacun Religieux, le tout auec

81

16 Regime de viure

certain nombre & mesure: nous pouvons donques en asseurance boire & manger le tout sans exceder la mesure ordonnee.

Et telles gens qui sont trauaillez ordinairement de catherres, de toux, de maux de teste & d'estomach, de fievre & autres maladies; ne pensent pas qu'ils prouiennent de l'excés du boire & du manger, mais ils sen prennent aux vents; au mauuais air aux veilles, aux trauaux excessifs, & autres causes extrinseques, mais ils se trompent lourdement: car où il y à si grande diuersité de corps & differéce d'estomach, vne mesme mesure ne peut pas estre propre à chacun; car ce qui est conuenable à celuy qui est robuste & en la sleur de fon aage, est deux & trois fois dauantage qu'il ne faut au vieillard, &à celuy qui est de complexion debile du corps en de l'ame.

debile, comme le monstre S. Tho- 22 mas, suiuant l'opinion d'Aristote: & cela est de soy assez aysé à comprendre. Pourtant telle quantité de portions n'a point esté ordonnée par les Superieurs en intention que chacun pense qu'il se doine forcer à boire & manger sa portion entiere, mais afin que les plus robustes en avent suffisamment, & afin que les autres en prennent ce que bon leur semblera, auec raison toutesfois: & en ce qu'ils laisseroient de reste, ils eussent quelque occasion de meriter en s'en abstenant. C'est chose bien facile de se monstrer temperant, quand il n'y a rien qui vous tente & vous chatouille les sens. Mais c'est vne action penible & laborieuse, principalement aux ieunes gens, & à ceux qui ne sont point les maistres de leur ventre, & qui merite beaucoup enuers Dieu, que d'endurer la faim au milieu des

Banquets, & de se pouvoir commander ayant devant: vos yeux tant de viandes bien preparees qui aiguisent l'appetit. Et pour ceste occasion, asin que dans les Monasteres il n'y ait manque de sujet de pouvoir meriter, s'on accorde quelque chose de plus, & en la quantité & en la varieté, que ce que la mesure de la tempe-

rance le requiert. Et n'importe que l'on dise, que telle chose se fasse pour quelque recreation de la nature, d'autant qu'elle ne consiste pas en ce que la mesure accoustumee de la temperance soit outrepasse apparemment: mais afin que par quelque espece de varicté, & quelque agreable goust des viandes nous receuios quelque plaifir, nous retenans neantmoins dans les bornes de la temperance, & demeurans touliours fur nostre appetit. Car tout ce qui passe ceste medu corps en de l'ame.

fure est vicieux, soit que ce soient festins de nopces, banquets particuliers, ou quelque autre solemnelle assemblee. Car il y a excez par tout, quand nous prenons plus grande quatité, que ce que l'estomach peur aisément digerer, sans laisser aucune crudité. Ce que nous pourrons recognoistre vsant de ces regles & observations.

La premiere, si d'ordinaire vous beuuez & mangez de telle sorte, que par-apres vous foyez moins idoine aux fonctions de l'esprit, comme à l'oraison, à la meditation, aux estudes des bonnes lettres, il est tout certain que vous excedez la iuste mesure. Car la nature & la raison requiert que la partievegetante soit tellemét sustentee, que la faculté animale & raisonnable n'en soit nullement incommodee. D'autant que celle-là doit seruir à celle cy, & doit luy ay20 Regime de viure

der en ses fonctions, & non luy ap? porter quelque empeschemet. C'est doncques vn argument infaillible d'excez, quad ceste partie vegetante est tellemet chargee de viandes que les facultez superieures, c'est à sçauoir des sens, de l'imagination, de l'intellect, & de la memoire, reçoiuet vn notable empeschement en l'exercice de leurs actions. Tel empeschement procede de la quantité des vapeurs qui sont principalement enuoyees du vétricule au cerueau; que si l'on n'excedoir point la mesure, comme l'experience nous l'enseigne, les vapeurs seroient pareillemét temperees. Car ceux qui viuent sobrement sont aussi propres aux affaires apres, que deuat le repas, comme le tesmoigne l'Autheur que nous mettons en la fin de ce Liure, & comme moy-mesme & plusieurs de nostre societé en auons bonne cognoisfance, par l'experience que nous en auons faite. Mais bien dauantage, les faincts Peres qui ne mangeoient qu'vne fois le iour, vsoient en leur repas de telle sobrieté, qu'ils ne se sencitios de l'esprit: combien plus aysément peuuent faire le semblable ceux, qui au lieu d'vn repas en font deux, & mangent moderément deux fois le iour?

l'ay dit que ces fumees & vapeurs qui brouillent le cerueau, procedent principalement des viandes que l'eftomach a receuës: dautant qu'encores que celles cy en foient les caufes principales, si ne sont elles pas seules. Car elles ne prouiennet pas seulement de la viande que l'on a prinse au mesme instant qu'elle commene à seschausser à se cuire, ains de l'abondance du sang & des humeurs qui sont au foye, en la ratte & aux

Regime de viure veines, qui pareillement l'eschauf-

fent & renuoyent au cerueau vne grande quantité d'humeurs fuligineuses. Mais la sobrieté de vie corrige peu à peu ceste repletion & mau-

ge peu à peu ceste repletion & mauuaise habitude, & les rameine à vne telle mediocrité, soit pour la qualité, soit pour la quantité, qu'apres le repas telles vapeurs fulgineuses ne gairment plus la reste. Car quand la

foit pour la quantité, qu'après le repas telles vapeurs fulgineuses ne gaignent plus la teste. Car quand la nature reigle parfaitement ses humeurs par le moyen des facultez vegetantes, elle apporte vn si bon ordre à tout, qu'il ne suruient aucunes maladies, & que les sonctions superieures ne reçoiuent aucun domage. Et ne sert de rien de dire que plu-

ricures ne reçoiuent aucun domage.

Et ne fert de rien de dire que plufieurs personnages sobres apres disner se reposent, & dorment quelque
peu, d'autant que par tel moyen les
forces de l'esprit & du corps lassez
par le trauail reçoiuent quelque sou-

lagement, & que les esprits dissipez

se reparent, car le sommeil sert à l'vn à l'autre. En apres ce sommeil que l'on pourroit facilement eutrer sans l'accoustumance qu'on a prinse, est fort court & sans se trouver incommodé de quelque lassitude. Les autres qui dorment dauantage en diminuent autant du repos de la nuict, faisant comme deux esgales portions de tout leur sommeil.

La seconde regle, si apres auoir prins ton repas tu sens quelque pesateur ou lassitude de corps, encores qu'auparauat tu susses gaillard & dispost, c'est vn tesmoignage asseuré que tuas excedé la mesure, si parauanture cela ne procede d'vne maladie precedente, ou de quelque resté. Car le boire & le manger doiuent recreer les sorces du corps, & le rendre plus alaigre, & non pas l'assoiblis & abattre du tout. Pour tant ceux

Regime de viure
qui se trouuent incommodez de telle pesanteur, auront à considerer diligemment si le mal procede ou de
de trop boire, ou de trop manger, ou

de trop boire, ou de trop manger, ou de tous les deux enséble, afin de boire ou mager moins, & petit à petit le corriger de tel excez, iusques à ce que l'on soit paruenu à quelque mesure qui ne nous cause nulle incom-

modité.

Plusieurs se trompent en cecy, lesquels encore qu'ils boinét &mangent plantureusement, se plaignent nearmoins qu'ils font debiles, & croyent que cela procede du defaut de nourriture & deffaillance des esprits, qui fait qu'ils demandent des viandes plus nourrissantes, & dejeunent de meilleur matin; de peur que mãque d'aliment la nature ne vienne à deffaillir. Mais ils s'abusent lourdement en sur-chargeant comme i'ay dit, leur corps qui d'ailleurs estoit af-

du corps & de l'ame. sez remply de mauuaises humeurs. Car celle debilité ne procede point de defaut, mais d'abondance d'humeurs; comme mesme le tesmoigne souvent l'ensleure, qui paroist au ventre & au reste du corps, & telles humeurs engendrent des obstructions au melantere, & humectent les parties nerueuses plus que de raison: Tellemét que les esprits vitaux, desquels dépend toute la force du corps, comme des principaux & plus proches instrumens de l'ame, tant pour le sentiment, que pour le mouuement, ne peuuent auoir leur libre passage, & gouverner l'œconomie du corps : & c'est ce qui engendre ceste debilité & pesanteur au corps. & assoupissement de tous les sens, l'esprit animal estant comme perclus par la repletion.

Cela remarquons-nous iournellement és corps cacochimes & mal 26 Regime de viure composez, qui le matin sont lan

composez, qui le matin sont languis, fans & endormis, à cause de l'humidité trop grande qui leur reste du fouper, & du dormir de la nuict precedente: & apres auoir esté quelque temps sans manger, & s'estantainsi l'humidité superfluë consommee, deuiennent peu à peu plus dispos & plus vigoureux, & se portet beaucoup mieux iusques au soir, encores qu'ils n'ayent mangé que peu ou point du tout au disner. Que si durant ceste humidité & foiblesse, ils se mettent à manger quelques viandes humides & en quantité, la douleur faugmente, & demeurent toufiours. affligez de maladie comme auparauant. Si quelqu'vn donques desire se bien porter, & auoir l'vsage libre du mouuement & des sens, il faut qu'il donne ordre à faire dissiper ces maunaises humeurs par la diete, afin que les esprits ayent leurs coudees

du corps & de l'ame.

franches, & vn passage libre par tout le corps, & que l'ame les tienne tous-

jours appareillez pour tous les mouuemens & fonctions du corps.

Pour la troisiesme regle, il ne faut pas tout à coup & immediatement passer d'vne façon ordinaire de viure, à vne autre qui soit trop exacte. Mais il faut y proceder petit à petit, en retrachant peu à peu ce qui estoit du boire & du manger accoustumé, iusques à ce que l'on soit paruenu à la mesure qui n'offense plus les fonctions de l'ame, & qui ne rende plus le corps si appesanty. Et c'est la doctrine commune des Medecins; Car tous les changemens subitement faits, fils sont notables, offensent la nature, à cause de l'accoustumance, qui est comme vne autre nature, de laquelle l'on fe retire auecviolence, & fon luy oppose ce qui luy est contraire.

Comme donques ce qui est contraire à la nature se sent auec de la vehemence, & nous fait mal, ainsi est-il de ce qui repugne à l'accoustumançe, quand nous ne l'auons encores perduë, de laquelle il faut se retirer au petit pas, & auec le temps. Car ainsi l'accoustumance fabolit, & come auparauant elle auoit prins accroissement par degrez, ainsi elle s'en va par parcelles, & come par degrez, & tel changement n'est pas beaucoup estrange.

Quatriesme regle. Encores que l'on ne puisse ordonner vne certaine quantité qui soit conuenable à tous, à cause de la difference de l'aage, des forces & des viades : toutes sois pour ceux qui tirent à la vicillesse, ou qui sont soibles & delicats, il semble que douze, treize ou quatorze onces de viande par jour, comprenant le pain, la chair, les œus, & autres viures

dont chacun se nourrit, doiuent suffire, auec autant ou vn peu plus de boisson, ainsi que beaucoup de personnages le tiennent par probables raisons, & par l'experience qu'ils en ont faite, C'est l'opinion de Louys Conaro, au Traitté qu'il a composé de la sobrieré, que nous auonsadiousté en fin de celuy-cy, qui n'a excedé ceste mesure, laquelle il sest prescrite dés l'aage de 36. ans, laquelle il a obseruee iusques à la fin de sa vie, & a vescu longues annees, & auec vne bonne santé. Mesmement les faincts Peres qui viuoient aux deferts, encores qu'ils ne mangeassent que du pain, & ne beussent que de l'eau, ils n'excedoient ceste mesure: & mesmement par loy expresse dans les Monasteres deffendoient d'en prendre dauantage, comme il est raporte par Cassiodore; quand il fait mention que l'Abbé Moyse interro-

30 Regime de viure gé, quel estoit le vray moyen de la temperance, respondit: Nous auons cognoissance que maintessois seste matiere s'est traictée entre nos Majeurs: Car faisans une discussion des abstinences de plusieurs qui viuoient seulement ou de legumes, ou dherbages, ou de fruicts, ils ont preferé à toutes ces choses l'vsage du pain, lequel ils ont equitablement limité à deux petits pains par iour, lesquels ne pesent à peine qu'vne liure , comme c'est chose tres-certaine. Pourtant ils n'ordonnoient par chacun iour qu'enuiron douze onces de pain, qui est nourriture suffisante pour chacun. Car la liure des Anciens n'estoit que de douze onces, o no de seize comme est la nostre.

Quelques-vns ont estimé que chacun pain sur d'vne liure, & veulét ainsi interpreter les paroles du bon Abbé Moyse: mais cela ne s'entend de chacun, ains des deux conjoinctement, comme il est aysé de iuger, y

prenant garde attentiuement. Car en premier lieu, il a voulu exprimer le poids de la mesure entiere, qui co-fistoit en deux petits pains, & non pas le poids de chaque petit pain. Et puis ceste portion de pains estoit estimee assezpetite, & estoit assez difficile de

l'en contenter, comme le mesme cha

Abbéle demonstre. Si donques ces deux petits pains qui se donoient chacun iour eussent esté du poids de deux liures, ceste mesure n'estoit petite, & n'estoit difficile de l'en passer, principalement aux vieilles gens. Car qui est celuy qui prenant ceste quantité de pain n'en eust suffisamment, ou que l'on peut dire en auoir prins sobrement, & mediocrement? Plustost aurionsnous occasion de nous estonner, encores que nous soyós en vne region froide, si quelque Religieux en vn repas mangeoit deux liures de pain,

& ne seroit iamais estimé, en tant que touche la quatité, ny abstinent, ny sobre, mais plustost seroit tenu pour quelque grand mangeur. D'abondant deux petits pains ne rassasioient tellement la faim, que quelques vns n'aymassent mieux se passer deux iours de manger, que de prendre chacun iour leur refection auec les autres, afin que le lendemain prenant double portion, il peussent latisfaire à leur appetit : come le mesme Abbé le recite au chapitre 24. où il blasine telle façon de faire. Qui sera donques celuy, qui occupé aux exercices de l'esprit, mangera quatre liures, ou quarante-huict onces de pain sec? Pourtant comme le mesme Moyse raconte au chap. 11. de l'Abbé Serapion, lequel estant encores enfant, apresauoir sur les neuf heures prins fon repas auec les autres, & mangé deux petits pains, demeuroit du corps en de l'ame.

33

roit encore sur son appetit, & trouuoit moyen d'en dérober yn troisses, me qu'il mangeoit en cachette: mais quel enfant pourroit manger trois liures de pain? Pourtant c'est chose fort certaine que chacun petit pain estoit de six onces, & que les deux ne pesoient qu'yne liure.

Que si ces bons Peres ont jugé par vne longue experience; que douze onces de pain soient suffilantes par iour, sans aucune viande, & que gardant ce regime de viure sils sont paruenus sains à vne extreme vieillesse; Combien plus aisement pourront fatisfaire fix, fept & huict onces de pain, auec six ou sept onces de bonne viande, qui nourrissent deux fois dauantage que le simple pain? & d'abondant siau lieu d'eau, l'on adiouste la ceruoise ou le vin, qui donnent beaucoup de nourriture. Bref, il conste par experience que beaucoup se

contentent de manger & boire beaucoup moins que ceste quantité.

Cinquiesme regle. Quant est de la qualité, il n'est besoinde s'en trauailler grandement, pourueu que tu re portes bié, & que telle sorte de boire & de manger ne te nuise. Toutes viandes dont l'on vse communemét sont bonnes à ceux qui sont bien coposez, pourueu qu'il n'y ayt point d'excez. Tellement que quelqu'vn peut viure & sainement & longuement auec du pain seul, du laict, du beurre, du fromage, & de la ceruoise, principalement celuy qui y est accoustumé de bas aage; Il faut neantmoins l'abstenir des viandes qui nuisent à la santé, encore qu'elles soient agreables à la bouche, au moins n'en faut-il vser en quantité, comme sont les viandes grasses, lesquelles relaschent l'estomach, & dissoudent ses du corps & de l'ame.

forces, quiconsistent en astriction, & empeschent la concoction des autresviandes, & les font descendre de l'estomach à demy digerees , renuoyant quantité de vapeurs au cerueau; d'où viennent les toux, la courte aleine, & autres maux de poulmó. Et quand telles viandes ne sont bien digerees (auquel effet on a besoin & d'vn fort estomach, & d'vn grand espace de temps)elles se tournent en mauuaises humeurs, qui causent la fievre, & quelquesfois partie se tourne en humeurs bilieuses, & partie en humeurs phlegmatiques. Il faut donques que les hommes studieux vsent de telles viandes plus sobrement, prenant du pain suffisammét, & ainsi pourra l'on remedier à tous tels accidens qui en pourroient sur-

Car l'experience nous enseigne 17: que toutes telles viandes enuoyent

36 des vapeurs au cerueau, causent des esblouissemens, des véritiges, des distillations & des toux, & engendrent en l'estomach des cruditez, des enfleures, des trenchees, des choliques venteules, &par autres façons offensent les fonctions du corps & de l'esprit. Car iln'y a point d'apparence de troquer vn plaisir de si peu de duree,& si peu honneste, contre tant d'incommoditez: & personne ne fait plus manifestement recognoistre combien il est sujet à sa bouche, que quand, pour luy complaire, il vse de viandes dommageables à sa santé. Quand l'on nous dit, qu'il convient nous abstenir de telles viandes, il ne faut l'entendre de telle sorte, qu'il ne nous foit loisible d'en vser sobrement, comme font quelques-yns, qui auec trop de scrupule se retiennent de manger des choux, des porreaux, du fromage, des poix, des febues, pour crainte des humeurs melacholiques, bilieuses & visqueusess mais il faut seulement se garder d'en prendre en trop grande quantité: car d'en manger peu & souuent, cela ne peut apporter nulle incommodité, principalement si nous en auons quelque appetit, & le plus souuent arriue-il que ce qui nuit à la Nature prins en quantité, luy prosite si nous en vions sobrement.

Entre toutes fortes de viandes, il n'y a rien de plus fingulier que de la panade, par le moyen de laquelle auec vn œuf nous pouuons viure longuemét en bonne fanté. Les Italiens appellent panade vne espece de boulie, qui est composee de mie de de pain, auec de l'eau ou d'vn boüillon de chair; dautant qu'elle est non seulement facile à digerer, est at fort semblable au chyle, qui se fait en l'estomach apres la digestion, &

i

qu'elle est d'vne qualité fort temperee: comme aussi pour estre moins sujette à la corruption, comme les autres viandes, qui se corrompent en l'estomach, brefelle engendre quantité de bon sang; l'on peut aussi y adiouster quelque chose fort aisement pour la rendre plus chaude & plus nourrissante. C'est pourquoy le Sage dit en l'Ecclesiast. 29. Que le commencement de la vie, est le pain et l'eau; voulant signifier que la vie de l'homme est principalement soustenuë & entretenuë par ces deux choses, lesquelles font grandement conuenables pour la conseruation de la vie, sans qu'il soit besoin de se mettre en peine de rechercher des viandes exquises, de gros poissons, & autres frians morceaux.

Plutarque au traitté de la conseruation de la santé, n'approuue pas l'vsage de la chair. Il faut, dit-il, gran-

dement redouter les cruditez qu'apporte l'vsage de la chair: car au commencement elle cause außi-tost vne grande pesanteur en l'estomach, & laisse en iceluy beaucoup de mauuais restes, & ç eust esté vn grand bien d'accoustumer le corps à se passer totallement de n'en point vser. Car la terre produit assez d'autres alimens, non seulement pour la necessité de la nourriture de l'homme, mais außi pour le plaisir & le contentement de son appetit, les vns prests à manger sans aucun appareil, & les autres qui se peuvent desguiser en plusieurs manieres, pour les rendre plus agreables au gouft. A laquelle opinion beaucoup de Medecins se conforment, & l'experience le nous confirme. Car il y a beaucoup de nations qui mangent rarement de la chair, mais qui viuent principalemet de ris & de fruicts, & neantmoins viuent long-temps & s'en trouuent fort bien, comme les Iapponois, les

C iii

Chinois, & les Africains, & les Turcs en diuers endroits. Nous voyons le femblable en beaucoup de gens de village & mecaniques, qui se pasfent de pain, de beurre, de boullie, de legumes, d'herbes & de fromage, & qui vsent fort rarement de chair, lesquels sont non seulement sains, mais robustes de corps, & viuent longuemer; sans m'arrester aux Peres Hermites qui viuoient au deserr, & tant d'autres Religieux qui estoiét és fiecles passez.

La sixiesme regle. Ceux qui sont curieux de leur santé, doiuent sur tout euiter la varieté des viandes, & la friandise des sausses. C'est pourquoy chez Macrobe liu.7. chap. 4. des Saturnales, ce docte Medecin Disarius & Socrate nous admonestent de nous abstenir de ces viandes & breu-uages, qui nous donnent l'appetit de boire de manger, sans en auoir besoin. Et

c'est le commun aduis des Medecins: & la raison est, que ceste varieré prouoque tousiours nostre appetit par de nouueaux moyens, & fait qu'il nous semble que nous ne sommes iamais rassassez, & de là arriue que nous excedons la iuste mesure de beaucoup, & que nous en prenons trois ou quatre fois plus que la Nature ne le requiert; Et puis dautant qu'en la diuersité de viandes il y a diuerses natures d'icelles, diuers temperament & bien souuent contraire, & que les vnes sont plustost & les autres plus tard digerees, de là suruient vne grande crudité en l'estomach, & vne deprauation de toute la digestion, de là des enfleures, des tranchees, des choliques, des obstructions, des douleurs de reins, & la grauelle: & par ceste excessive quantité & varieté, s'engendre vne grandissime crudité & pourriture du chy-

Regime de viure le ou du suc, dont le sang doit estre composé. C'est ce qui a fait dire à ce celebre Medecin François de Variole, liure 2. de ses lieux communs. chap. 6. discourant sur ce sujet, Que tous les Medecins demeurent d'accord qu'il n'y a chose plus preiudiciable à la santé de l'hōme, que la varieté & l'abondance des viandes en vn mesme repas, principalement quand l'on tient longue table. Vous trouuerez beaucoup de belles choses au lieu preallegué chez Macrobe. Xenophon liure 1. des gestes & propos de Socrate, rapporte que son ordinaire estoit fort petit of fort chetif: tellement qu'il n'y a personne, qui sans beaucoup de peine, ne puisse s'en preparer vn semblable, d'autất que pour ce faire l'on n'auoit besoin de quelque grand appareil. Athenæus liu. 2. recite apres Theophraste, qu'vn certain Phalinus n'auoit zout le temps de sa vie vse d'autre nourriture que de laict, & que beaucoup d'autres se sont contentez de bien peu de chose pour viure. Pline raconte d'vn Zoroastes, liu. 11. chap. 42. qui a vescu vingt annees au desert, sans auoir vse d'autre chose que de fromage, lequel estoit si bien composé, qu'il ne sentoit nulle incommodité de la vieillesse. Pour conclusion or par tous les siecles passez encore de present en tous les endroits de la terre habitable, ceux qui viuent plus sobrement opplus reglement, sont beaucoup plus sains, & viuent plus long-temps que les autres.

Septiesme regle. Puisque la principale difficulté consiste en l'obseruation d'vne iuste mesure, en ce qui procede de l'appetit sensuel, & de l'appetit qui nous vient de l'apprehension de l'imagination, par lequel nous conceuons les viandes comme plaisantes & agreables: Il faut prin-

cipalement donner ordre à corriger ceste imaginatió, anquel esfect deux choses seruiront grandement. Premierement de se retirer des festins, de peur que nostre imagination ne soit excitee par la friandise des mets exquis, & par l'odeur des viandes qui chatouillent nostre appetit. Car naturellement la presence de l'object esmeut la puissance, & est sans doute beaucoup plus difficile de fabstenir des viandes que l'on met deuat nous, qu'il n'est de ne les point souhaiter quand nous ne les voyons pas; & le mesme arriue en tous les autres objects & chatoiillemens de nos sens. En second lieu, il faut que nous representions à nostre imagination les viades qui nous viennét en l'appetit, non pas comme douces, de bonne odeur, & agreables au palais, comme pour lors elles nous femblent, mais puantes, sales, infectes, & detestables

du corps & de l'ame.

comme elles serot à l'aduenir. Quelque chose que ce soit, quand elle se resoult en son principe, elle apparoist alors comme elle est veritablement, & se descouure ce qui estoit caché sous vne amiable beauté. Mais y a-il rien de plus sale & de plus corrompu que la delicaresse des viandes dés aussi-tost qu'elles ont receu la moindre alteratio en l'estomach? Et bien dauantage, qu'au mesme instant ce qui a esté plus agreable à la bouche, se rend d'autant plus malplaisant&exhale vne plus orde puanteur. D'où vient que ceux qui regorgent de delices, fils ne se seruent de parfums, ont l'haleine plus forte que les autres, & les excremens plus puans que charongnes. Et le contraire aduient aux villageois, & aux simples gens, qui n'ont pour tout mets que du pain, que du fromage & des viandes communes. Et Dieu

46 l'a ainsi iustement ordonné, afin que nous apprenions à faire peu d'estime des delices & des voluptez, & à nous contenter de viure eschargement. Partant il faut souuent remettre telles choses en nostre memoire, & accoustumer nostre imagination en ceste maniere.

Mais icy se presentent deux difficultez. La premiere est, s'il ne faut point changer la mesure du boire & du manger, & pareillement la qualité de l'vn & de l'autre, selon les saisons de l'annee. Car il en faut prendre dauantage en hyuer que non pas en Esté, d'autant que le ventre en hyuer a plus de chaleur qu'il n'a pas durant l'Esté, selon le dire d'Hypocrate, sect. 1.aph.15. quand, à cause du froid qui nous enuironne, la chaleur se retire de la conference au centre, & aux intestins : & en Esté elle est plus foible par vne raison contraire,

du corps & de l'ame.

d'autant que la chaleur est attiree du dedans à la circonference, & ainsi dissipee. Par mesme moyen il faut vser pendant l'hyuer de choses seiches & chaudes, à cause de l'abondance de la pituite qui regorge pour lors, & n'est point dissipee. Et en esté il faut vser plustost de choses humides & refraichissantes, d'autat que par la chaleur de l'air ambient, il se fait vne grande dissipation d'humeurs, &

le corps par ainsi se deseiche.

Ie responds, Qu'il faut ainsi se gouverner suivant l'ordonnance des Medecins; non pas exactement & ponctuellement, mais selon que la commodité se presente, laquelle maquant, il ne s'en faut pas grandemet travailler. Car s'il est requis d'yser de viandes seiches, comme durant l'hyuer, & lors que les pluyes sont continuës, il est aisé de manger danantage de pain, de moins boire, &

48

prendre moins de viandes humides. Car l'abondance du boire & des viades humides qui seruent pour nostre santé quand il fait sec, porte dommage en temps humide quand il fait grand froid, & engendre des fluxiós; des rheumes & la toux. Mais quand nous auons besoin de nous humecter, nous pouvons boire dauatage, mettant en nostre vin plus d'eau que de coustume, ou au lieu de vin, nous pouuons boire d'vne petite ceruoise, laquelle humecte & refraischit moderement. D'où vient que nos Peres ne se sont pas beaucoup arrestez à ceste diuersité de saisons, prenans durant toute l'annee de mesines viandes, de mesmes breuuages, & en pareille quantité, qui neantmoins ont vescu fort long-téps. Mais maintenant és Monasteres pour la santé desReligieux l'on y a mis bon ordre, & l'on leur donne des viures conuenables

du corps en de l'ame.

nables à la faison; desquels ceux qui desirent garder la sobrieté peuvent choisir ceux qui leur sont plus salu-

L'autre difficulté consiste, à sçauoir si la mesure du boire & du manger dont nous auons parle cy-deuat, doit estre prinse à vn repas, ou à plusieurs. A quoy ie responds; Qu'encores que tous les Anciens qui ont singulierement aymé la temperance, se soient contentez de manger vne fois le iour, ou apres le Soleil couché, ou à neuf heures du matin, ou à trois heures apres midy, comme Cassian le rapporte, coll.2. de l'Abbé Moyse, chap. 25. & 26. Neantmoins plusieurs sont d'auis, qu'il est plus à propos que les vieilles gens fassent deux repas par iour, failant à deux fois de la mesure cy-dessus ordonce: d'autant que les vieillards ne pouuas à cause de leur foiblesse mager beauso Regime de viure coup à la fois, il est expedient qu'ils mangent plus souvent, pour ueu que

ce soit sobrement. Car ainsi faisant ils ne seront chargez de viande,& di-

gereront plus aisement.

Tellement que l'on pourra prendre sept ou huict onces pour le disner, & trois ou quatre pour le souper; ou tout au contraire, ainsi que l'on trouvera plus commode. Mais en tel cas l'accoustumance a beaucoup de puissance, & la disposition du corps pareillement: Carsil'estomach est remply d'vne pituite froide & lente, il semble plus conuenable de ne faire qu'vn repas: d'autat qu'il faut beaucoup de temps pour cuire ceste pituite, & i'en ay assez de cognoissance par l'experience que i'en ay faire: Si toutefois le repas est differé au soir, l'on se portera mieux de moins en manger quelque peu sur le midy, qui serue pour deseicher du corps & de l'ame.

quelque peu l'humidité trop grande du ventricule. Et quand l'on fait son repas à midy, il faut aussi prendre le soir quelque peu de chose, comme quelques raifins auec du pain, & choles semblables. Car il faut principa.

lement trauailler à corriger telle humidité d'estomach autant qu'il est possible: d'autant qu'il se remplit de, vents, & le cerueau de vapeurs & de

phlegme. La sagesse, disoit vn Ancien, reside en lieu sec, o non pas dans les marais, & dans les estangs. Et c'est ce qui a fait dire à Heraclite, Que l'ame de l'homme sage est vne lumiere seiche.

Que si quelqu'vn m'objecte cotre ce que l'ay dit cy-deuat, que les plus excellens medecins improuuent que quelqu'vn se prescriue vne certaine mesure de boire & de manger, & encores petite; d'autant que par ce moyen l'estomach est reserré, & s'accoustume tellemet à ceste quantité, que

sil arrive qu'il l'excede, il sentira que cela luy caufera vne grande pefanreur, & vn dommage notable, estant estendu plus que de coustume: & pour obuier à ceste incommodité, ils sont d'auis que sans s'assujettir tousjours à vne mesme façon de viure. que l'on en prenne ores plus, ores moins. Ce qu'Hypocrate confirme, apho. s. fect. i. quandil dir, Que la mamere de viure trop chetiue, trop reglee, & trop exacte, est grandement dangereuse, mesmement aux plus sains : d'autant que les maux qui en arrivet en sont plus dommageables, oplus difficiles à supporter. Et par ainsi la trop grande sobrieté est plus à craindre, que non pas de manger quelque peu dauantage.

Ie responds, Que telle ordonnance des Medecins doit auoir lieu pour ceux qui ne peuuent garder & observer tousiours vne mesme regle de remperance, à cause des frequentes

du corps & de l'ame. occasions, des festins, & des banquets, lesquels ils ne veulent & ne peuuent euiter, & n'ont pas telle puissance sur leur bouche, qu'ils puissent parmy l'abondace des viandes delicates, garder vne moderation accoustumee, & principalemet exitant les autres par leurs exemples & discours, à faire grand chere & boire d'autant. Car si alors ils farcissent leur estomach de diuersité de viandes, ils en sentiront quelque incommodité pour l'estre comportez de la sorte. Mais il en va tout autroment de ceux qui se peuuent exempter de toutes ces occasions, &de pareils excez, & viure toufiours d'vne mesme façon. Car à ceux-cy est bien plus conuenable vne mesure certaine, notamment sils sont debiles ou aagez, comme la raison & l'experience nous le fait cognoistre. Et n'importe si par occasion nous excedons

iij

quelquesfois ceste mesure ; car vi ou deux excez nuilent fort peu, pourueu que nous nous rangions puisapres à vne sobrieté accoustumee, & que nous prenions d'autant moins au repas subsequent, ou que nous ne mangions point du tout. Comme, fi ayant accoustumé de disner, ou de souper peu, il vous arriue de difner dauantage, ne soupez point du tout: & si vous auez soupé aussi plus largement vne fois que les autres ; passezvous de disner au lendemain. Donques ceste incommodité n'est point fi grande, que pour eulter icelle, il faille rejetter certaine mesure dont nous deuios nous seruir d'ordinaire; veu que quelque excez que l'o fasse, pourueu que ce soit rarement, porte peude nuisance mesmemet aux vieillards, & aux personnes foibles.

Si toutes ois les excés sont frequens, & qu'ils durent diuers iours

du corps & de l'ame. 55

les vieillards & ceux qui sont de debile complexion, qui auparauant l'estoient assujetis à quelque regime en souffrirot vn notable dommage. Nostre Autheur raconte de luy mesme, qu'il s'estoit tousours bien porte depuis l'aage de trente six ans, iusques à foixante quinze, ne prenant que douze onces de viande, o quatorze onces de poison: o qu'ayant este per suade par les Medecins, o force par l'importunité de ses amis, d'augmenter son manger de deux onces, o son boire de pareille quantité, il en ressentit des le dixiesme iour d'apres (bien que tel exces ne fut pas grand) de grandissimes douleurs de coste, vn estouffement d'estomach, une sieure qui dura trente fix iours: tellement qu'il fut comme abadonné des Medecins, & trouva qu'il ne pouvoit recouvrer sa santé s'il ne vivoit comme il auoit fait auparauant. l'en ay cogneu vn autre, lequel durant pluheurs annees s'estoit accoustume de

souper seulemét, prenarquelque peu de chose bien seiche sur l'heure du midy, vsant puis apres en la mesme heure par l'aduis de beaucoup de ses amis, de viandes humides & en plus grande quantité, fut dix ou douze jours trauaillé de si cruelles douleurs & en l'estomach, & aux intestins, durant quelques sepmaines, que chacun le iugeoit à la mort, esquelles douleurs il retoba par deux diuerses fois, apres en auoir esté guary aussi deux fois par le moyen des medicamens, & par la grandissime industrie d'vn bon nombre de Medecins tres-doctes: & comme pour la troisiesme fois il fut affligé de mesmes incomoditez, il se souvint qu'il auoit quitté sa façon ordinaire de viure, & y ayant meurement pensé, il trouua que cela estoit cause de son mal, & partat il se resolut de la reprédre; Ce qu'ayant fait, dés le premier

du corps & de l'ame.

iour les douleurs s'amoindrirent, & dans le quarriesme iour elles diminuerent de telle sorte, qu'il ne resta plus qu'vne grade soiblesse de corps, laquelle se passa peu apres, par le moyen de ce regime de viure qu'il obseruoit auparauant. Car la quantité deviandes & les delices, ne sortissent pas vn corps soible & delicat, mais la petite quantité qui se rapporte aux sorces, & la qualité qui est couenable à nostre temperament,

L'Aphorisme d'Hypocrate que no? auons cy deuant allegué, ne repugne nullement à ceste opinion, dautant qu'il traicte d'vn regime de vie, pour lequel l'on a besoin de viandes de peu d'aliment, & qui ne suffiroit pour ceux qui sont forts & robustes, & d'vne bonne complexion: mais quant à nous, nous approuuons toutes sortes de viandes, qui sont commodes à la nature, auec la mesure la

quelle se puisse accomoder aux forces de nostre estomach, & à nostre

bonne disposition.

Vous me direz; Il n'est pas vtile ny commode à tous de garder exactement vne maniere de viure trop escharse: n'y a-il pas d'autre moyen par lequel nous puissions conseruer nostre santé & viure longuement? le responds; que nous en auons vn feul, que plusieurs excellens Medecins nous ont prescrit; lequel est de se purger deux fois l'année, sçauoir au Printemps & en Automne, & ainsise descharger de toutes mauuaises humeurs. l'entends parler de ceux qui d'ordinaire ne font nul exercice, & font totallement occupez aux actions spirituelless comme les gens d'Eglise, les Religieux, les Iurisconfultes, les gens d'estude & autres femblables: mais telle purgation se doit faire, ayant preparé les humeurs

auparauant, par ordonance de quelque Medecin bien expert : & telle purgation ne doit estre violente, & qui opere aussi-tost : car elle doit estre prinse à deux ou trois iours differens, ainsi elle est bien plus facileà supporter, & profite dauantage. Car au premier iour se purge la prémiere region, comme disent les Medecins. cest à dire les intestins, au second iour le foye, au troisiesme les veines meseraiques, dans lesquelles il s'est fait vn amas de mauuaises humeurs. Car ceux qui ne viuent pas sobrement de jour à autre, en amasset vne grande quantité, lesquelles attirées par les veines, comme par vne esponge, sont espandues par tout le corps.

Tellement qu'en moins d'vii an ou de deux, il l'assemble das le corps tant de mauuaises humeurs, qu'à peine vn vase de deux cens onces, ou de quatre pots les pourroit contenir,

lesquelles par succession de temps se corrompent, & causent des maladies mortelles, d'où procede que la plus part des hommes meurent deuant le temps. Car ceux qui meurent auant vne extreme vieillesse, meurent tous quali pour cela; fors ceux qui finifsent leurs iours par quelque violence experieure, comme par le glaiue, par le feu, & qui sont deuorez par les bestes farousches ou qui meurent de peste, de venin, de poifon, & autres semblables manieres. mais plusieurs finissent leurs iours en leurs maisons, regorgeans de toutes commoditez en peu de temps, par la malignité de telles humeurs, lesquels eussent vescu vn bon nombre d'années sains & disposts, fils eussent esté attachez à la rame, viuans de biscuit, & ne beuuat que de l'eau. Chacun peut obuier à tels inconveniens se purgeant par saisons, au moins

deux fois par chaeun an. Car ainst faisant, il n'y aura point grade abondance d'humeurs, & ne pourront estre grandement corrompues, vsant de purgation de six mois en six mois. I'en ay cogneu beaucoup qui par ce moyen sont paruenus à vne extreme vieillesse, sans auoir iamais receu aucune notable incommodité de maladie durant toute leur vie.

Reste maintenant ce troisiesme poinct de ce que nous auons propolé de traicter, à sçauoir combien grandes sont les commoditez que la sobrieté apporte & à l'ame & au

corps.

La premiere est, qu'elle exempte l'homme quasi de toutes sortes de maladies. Car elle nous guarantit de catharres, de toux, de courte haleine, de vertige, des douleurs de teste & d'estomachielle empesche l'apoplezie, la letargie, l'epilepsie & les au

Regime de viure stres maladies du cerueau : elle

tres maladies du cerueau: elle guarit la podagre, la chiragre, la sciatyque, & les gouttes. Elle ofte les cruditez, qui causent toutes sortes de maladies: finalement elle tempere tellement les humeurs, & les conserue auec telle proportion, qu'elles ne pechent ny en qualité, ny en quantité. Ores és corps où les humeurs sont bien temperees, la maladie ne peut y faire sa retraicte, veu que la santé consiste en ceste proportion, & la raison & l'experience le nous confirme. Car nous voyons rarement ou iamais, que ceux qui viuent sobremét, soient attaints de maladie: & quand cela arriue, ils sont plustost guaris, que ceux qui sont remplis de mauuaises humeurs pour faire trop grand chere, & en peu de temps nous les voyons debour. I'en ay cogneu beaucoup, lefquels encores qu'ils soyent de foible & petite complexion, qu'ils soyent

du corps & de l'ame. grandement aagez, & occupez affiduellement aux fonctions de l'esprit, qui toutesfois par le secours de la sobriete & de la temperance se portent bien , viuent longuement , & sont exempts presque toute leur vie d'vne notable maladie. L'exemple des SS. Peres & des Religieux nous en donnent des preuues suffisantes, qui ont prolongé leurs iours en de longues. annees en bonne santé, parmy vne grandissime parsimonie, & vne façon

de viure fort austere.

Et la raison est, que toutes les maladies presque qui tourmentent les
hommes, prennent leur origine principalement de la repletion, prenans
beaucoup de viandes plus que la nature ne le requiert, & que l'estomach
ne peut parfaictement digerer. Et
pour preuue de ce, toutes telles maladies reçoiuent guarison par l'euacuation. Car l'on tire du sang, ou par

l'ouuerture de la veine, ou auec des ventouses, afin que la nature reçoiue quelque soulagement, l'on euacuë par des medecines yn grand amas de mauuaises humeurs, qui sont dans les entrailles, & qui sont espanduës par tout le corps, l'on ordonne l'ab-Rinence & vn regime fort exact, & ne faut point d'indice plus apparent que toutes ces maladies procedent de repletion. Car les contraires sont guaris par les contraires: D'où vient que Hypocrate, sect. 2. aph. 22. Quelques maladies, dit-il, que ce soiet, qui viennent de repletion, se doiuent guarir par euacuation: come celles qui procedent d'euacuation se doinent außi guarir par repletion. Toutesfois il y a peu de maladies qui viennent d'euacuation, si ce n'est d'vne longue faim durant quelque siege, durant quelque nauigation, ou quelque pareil accident: auquel cas, apres auoir purgél'hu-

meur

du corps en de l'ame. meur aduste, que la chaleur auoit

engendré par la faim, il faut petit à petit nourrir ce corps & le fortifier, augmentant de temps en temps la mesure du boire & du manger. Ce qu'il faut pareillement obseruer, apres beaucoup d'euacuations ; par lesquelles le corps & les forces ont esté affoiblies durant quelque grande maladie, afin de les remettre. Partant puisqu'ainsi est que la plus grade part des maladies prouient de ce que nous prenos dauantage de viande que la nature ne le requiert, il fensuit que si quelqu'vn garde vne iuste mesure, qu'il demeurera exépt quasi de toutes sortes de maladies, Ce qui nous est aussi declaré par vn beau mor d'Hypocrate, liu 16. des Epidemies, sect 4. La regle principale de la santé, dit-il, consiste à ne manger son saoul, or à n'estre point paresseux au tranail : auquel endroit il ordonne des remedes pour la conservation de la fanté, qu'il constitué au regime de viure, & en l'exercice du corps.

La mesme maxime est confirmee, en ce que la crudité est tenue par les Medecins pour feminaire de toutes les maladies dont les hommes sont d'ordinaire accablez. D'où vient que Galien, liu. 10 des viandes de bon ou de mauuais suc. Personne, dit il ne sera surprins de maladie, qui se gardera soigneusement de toutes cruditez. Et nous disons communement, que la bouche en fait dauantage mourie, que non pas le glaiue Et l'Escriture saincte, chap.37. de l'Ecclesiastique. Plufieurs, dit-elle, sont morts par gourmandife; mais celuy quiest fobre, allongera sa vie. Et peu auparauant : Garde-toy de l'excez de la bouche en tous tes nepas, cone te iettes auidement sur toute sorte de viandes: car de beaucoup manger sen ensuit la maladie. Or est-il que la so-

du corps & de l'ame. brieté empesche la crudité, & partat elle couppe le chemin'aux maladies. L'on appelle ctudité vnerdigestion deffectueuse des viandes : Car lors que l'estomach, ou pour cause d'vne trop grande quantité de viandes, ou d'vne mauuaise qualité, ou diversité d'icellesson manque d'vniuste interuale requis pour yne parfaite conco. ction vil ne les peut parfaitement digerer ; le chyle ou le suc qui se fair d'icelles se peut dire auoir de la crudité, laquelle apporte beaucoup d'incommodité. Premieremet elle remplit le cerueau, & les visceres de plusieurs excremens pituiteux & bilieux. En secod lieu, elle engendre beaucoup d'obstructions au mesentere. Tiercement, elle corrompt le temperament de tout le corps. Finalement, elle emplit les veines d'vne humeur putride, d'où procedent de grandissimes maladies.

68

Toutes ces choses pourroiet estre amplement demonstrées, mais cela est trop manifeste, & principalemet le premier & second poinct. le m'arresteray donques seulement à exposer le troisiesme & le quatriesme. Lors que le chyle est crud, & mal elabouré par l'estomach, & que plustost il est souille que digeré (car Aristote appelle cela plustost souilleure que digestion) il ne se peut esperer qu'au foye, qui est la boutique du sang, il se puisse d'vn tel chyle, faire quelque bon fang, mais seulement vn fang vicieux & corrompu. Anot 115

Car la seconde digestion, comme disent les Medecins, ne peut pas corriger la premiere, & d'vn mauuais sang ne se peut faire vne bone nour-riture: & de necessité le temperamét du corps demeurera corrompu, & suject à maladie. Car la seconde digestion ne peut estre corrigee par la

du corps en de l'ame.

croisiesme qui se fait aux pores deliez de tout le corps, où le sang est fait semblable à chaque partie pour sa nourriture, & finalement est disposé pour receuoir la forme d'icelle. Par ce moyen tout le temperament du corps peu à peu est alteré, & changé par la crudité, & est incommodé en beaucoup de façons. De plus, la crudité du chyle fait que toutes les veines font remplies d'vn fang impur, parmy lequel sont meslees plusieurs mauuaises humeurs, lesquelles auec le temps se corrompent : & en fin par occasion, soit de la chaleur, soit de la froidure, ou du vent, s'allument & font causees de grandes & dangereuses fievres, lesquelles emportent vn nombre innumerable d'hommes en la fleur de leur aage. La sobrieté nous metà l'abry de toutes ces incomoditez, dautant qu'elle oste la crudité qui cause tous ces

E ii

70

maux. Car ne donnant à l'estomach plus de viande qu'il ne puisse bonnement digerer, & qu'il ayt autant de temps qu'il est requis pour cet effet, il ne peut suruenir nulle crudité, mais se fera vn chyle louable & conuenable à la nature, d'vn bon chyle, se fera vn bon sang, & d'vn bon sang vne bone nourriture, & vn bon temperament! D'abondant par tel moyen nous euitons vne putrefaction d'humeurs dans les veines, les obftructions du mesentere, les superfluitez des excremens, qui causent de grands maux à la teste, aux intestins & auxioinctures: & ainsi se coserue la bonne disposition & santé du corps. Car elle consiste en deux choses, en vne deüe proportion & symmetrie des humeurs, tant en la quantité qu'en la qualité, & en vne certaine habitude spogieuse de tout le corps, qui n'est empeschee par des

du corps on de l'ame.

obstructions, afin que les esprits & le fang avent leur passage libre par toutes leurs parties d'iceluy. Et la sobrietén'empesche pas seulement la crudité des humeurs, & les maux qui la suiuent, mais elle consomme les humeurs superfluës, & plus seurement & auec plus d'efficace que l'exercice du corps, ainsi que ce celebre Docteur Viringus le demonstre, liu.s.du ieusne, chap. 3. 4. & 5. Car le trauail agite le corps tout à la fois, & exerce quelques parties, mais les vnes plus, & les autres moins : & souvent cela se fait auec vn troublement d'humeurs, auec vne grande chaleur & danger de maladie, & principalemét de fievres, de pleuresies, & de plusieurs fluxions és autres parties du corps, qui apportent de grandes douleurs: mais l'abstinence penetre bien plustost és entrailles, és ioinctures & articles , euacuant douce-

E iii

72 ment & esgalement toutes superfluid tez. Gar elle extenue les humeurs crasses, oste les obstructios, consome les superfluitez, desbouche les passages des esprits vitaux, & les rend plus clairs, sans troubler aucunement les humeurs, fans fluxios, fans douleurs, sans chaleur, sans danger de maladie, sans perte de temps, & sans aucun dommage des meilleures fonctions: mais toutesfois il ne faut pas nier, que l'exercice moderé ne soit grandement vtile & necessaire.

L'autre commodité est, qu'elle ne nous garentit seulement des maladies qui prouiennent des cruditez & de la corruption interne des humeurs, mais elle nous defend pareil. lement des causes externes. Car ceux qui ont vn corps pur, & qui font d'vn bon temperament, ne sont pas si aisement offensez du chaud, du froid, du trauail, co semblables incommoditez, comme ceux

du corps & de l'ame. qui font pleins de maunaifes humeurs, & s'il leur arriue quelque mal, ils sont plustoft oplus facilement guaris. Le mesme arriue-il és playes, contusions, luxations, & fractures d'os : d'autant qu'il ne se fait qu'vne legere fluxion d'humeurs sur la partie blessee; que si ceste fluxion estoit plus grande elle donneroit vn grand empeschement à la guarison, & causeroit des douleurs & des inflammations. Noitre Autheur nous le donne amplement à cognoistre, au nombre 11. qui se trouuera marqué au marge de son Traitté. Elle nous preserue pareillement de la peste : car plus aisément

le corps qui est pur resiste au venin. D'où vient que Socrate par sa frugalité & temperance, n'a iamais esté frappé de peste, encores que de son temps elle aye esté bien souuet dans

la ville d'Athenes, comme le tesmoi-

gne Laert. liu. z.

74 La troisiesme commodité constrste en ce, qu'ores qu'elle ne guarisse pas les maux incurables, toutesfois elle les adoucit de telle façon, qu'elle les rend supportables, & qu'ils empeschent moins les exercices de l'esprit. Cela pouuons nous apperceuoir par vne experience iournaliere. Car plusieurs auec des vlceres au poulmon, auec vn scirrhé & dureté de ratte & de foye, le calcul aux reins & à la vessie, des dartes inueterees, vne intemperie devisceres enuieillie, vne descente de boyau, vne hargne aqueuse, & autres especes de hargnes, par le seul moyen de ceste diete, viuent alegrement, & l'appliquet gayement aux exercices de l'esprit, Car comme toutes ces maladies empirent par l'excez de la bouche, qui trauaille grandement la nature, & la ruyne en peu de temps; ainsi toutes fortes de maux diminuent merueildu corps es de l'ame. 75

leusement par la sobrieré, & les malades par consequent en reçoiuent moins d'incomodité, & viuent quasi autant que le cours ordinaire de la

vie le peut permettre. La quatriesme gist en ce poinct, que ceux qui sont sobres sont plus fains, viuent plus longuemer, & paruiennét iusques à vne extreme vieillesse: tellement que quand il faut partir de ce monde, ils n'ont qu'vn leger sentiment de douleur, d'autant qu'ils ne meurent que par vne pure resolution de l'humeur radicale, & la raison & l'experiece nous font veoir l'vn & l'autre. Car quant est de la longue vie, c'est chose fort constante que les saincts Personnages, qui ont vsé leurs iours dans les deserts & Monasteres ont vescu fort long-temps, encores qu'ils ayent mené vne vie fortaustere, & presque destituee de toutes les commoditez du corps, ce 76 Regime de viure que nous deuons principalement at-

tribuer à leur sobrieté. Ainsi saince Paul premier Hermiteavescu presque cent quinze ans, dont il en passa pres de cent au desert, ne viuant les quarante premieres annees que de dattes, & ne beuuant que de l'eau : & quand les dattes luy manquerent, il ne mangea le reste de ses iours que du pain à demy son saoul, qu'vn corbeau luy apportoit par chacun iour, comme sainct Hierosme l'escrit en sa vie. Sainct Anthoine vescut cent cinq ans, dont il en passa au desert quatre-vingts & dix, se contentant de pain & d'eau pour tout mets, fors que sur sa vieillesse il vsa de quelques herbages, comme le rapporte sainct Athanase. Ce sainct personnage Paphnutius mourut à quatre-vingts dix ans, ne prenant autre nourriture que de pain, comme Cassian le tesmoigne, coll. 3. chap. 1. Sainct Hierosme du corps en de l'ame.

raconte que sainct Hilarion, bien qu'il fut d'vne foible complexion, vescut enuiron quatre-vingts quatre ans : dont il en passa soixante & dix au desert auec grandissime abstinence, & austerité de viure & de vestemens, au rapport du mesme sainct Hierosme. Iacques l'Hermite, Persien de nation, vescut cent quatre ans, partie au desert, partie en Monastere auec vne façon de vie grandement escharge, comme Theodoret le recite en son Histoire religieule, en la vie de Iulian. Et le mesme Iulian furnommé Saba, c'est à dire vieil, ne mangeoit qu'vne fois la sepmaine, & se contentoit de pain d'orge, de sel & d'eau, au dire du mesme Theodorer. Sainct Machaire, duquel se voyent les Homelies, vescut plus de quatre-vingts dix ans, dont il en passa soixante au desert en ieusnes perpetuels Arfenius Precepteur de 78 Regime de viure l'Empereur Arcadius, vescur cent

douze ans, sçauoir, dans le monde soixante cinq, & les autres cinquante cinq au desert, auec vne admirable abstinéce. Simeon Stylites cent neuf ans, dont quarre-vingts & vn sur vne colonne 1, & dix en vn Monastere: mais, son abstinence & ses trauaux semblent surpasser la nature. Saince

femblent surpasser la nature. Saince Romualdus Italien, vescut cent douze ans, dont cent annees entieres en Religion, auecvne tres-estroite abstinence, & vn habit fort estranger Vldaricus Euesque de Passauu, per-

fonnage d'yne abilinence merueill leufe, vescur cent cinq ans, au dire de Paul Bernriede, en la vie de Gregoir reseptiesme, que Gretzerus, qui est de nostre compagnie a mis en lumiere depuis quelques annees Saint François de Paule auec vne abstinence admirable a vescu plus de quarre-

vingts dix ans, n'vsant que de pain &

du corps en de l'ame.

d'eau vne fois le iour apres Soleil couché, se servant à grand peine des viandes de Caresme. Sainct Martin 86: Sainct Epiphane pres de 115. Sainct Hierofine pres de 80 ansi Sainct Augustin 76. Sainct Remy 74. ans Eucl que. Le venerable Beda depuis l'aage de sept ans a vescu iusques à 92. en Religion. Ce ne seroit iamais fait de faire vn denombrement de ceux qui le peuvent rirer des histoires & de lavie des Saincts. Ie laisse à part vn grand nombre de seux de mostre temps, qui par la faueur decelte fobrieté ont prolongé leur vie insques 280.90. 895. & au de là Carily ai aussi des monasteres de filles, esquels par melme moyen elles viuentiuf. ques à 80. 8 90. 8 ayant atteint baage de 60. & 70. ans, à peine fontselles: mises au nombre de vieilles. 3 23 niv Et il se peut dire veritablement,

que tous les sufnommezont vesous

longuement, non par vne force de nature, mais par vne surnaturelle grace, & vne faueur particuliere de Dieu. Car il ne s'en trouue pas peu qui ont ainsi vescu vn bon nombre d'annees, mais plusieurs, & presque tous ont embrasse ceste sobrieté, sils ne sont morts par quelque hazard. D'où vient que sainct Iean l'Euangeliste, qui seul de tous les Apostres n'a point siny ses iours de mort violente, a vescu soixante huict ans apres l'Ascension de nostre Seigneur .. Et ainsi est-il probable qu'il est paruenu iusques à la centiesme annee. Et S. Simeon auoit cent douze ans quand il endura le martyre. Sainct Denys l'Areopagire excedoit l'aage de cent ans. Sain lacques le mineur quatrevingts seize ans, vaquant assidumét à ieusnes & oraisons, s'estat tousiours abstenu de vin & de chairal auca pop

du corps en de l'ame. 81

En apres, cela n'a pas esté seulement concedé aux Saincts, mais pareillement aux autres. Car les Brachmanes entre les Indiens viuent longuement, à cause de leur frugalité de vie ; Les Religieux aussi de la secte de Mahomet entre les Tures; qui sont grandement observateurs de l'abstinence & des austeritez. Iofephe liu.2.de la guerre des luifs, ch.7 rapporte que les Esseniens sont d'une vie tres-longue, tellement que plusieurs d'entreux viuent insques à cent ans par leur parsimonie, à chacun desquels l'on ne sert qu'vn pain, & vn peu de potage. Democrite & Hypocrate ont vescu insques à cent cinq ans, & Platon a passe 80.

Pour conclusion, quand l'Escriture dit en l'Ecclesiastique 37. Que celui qui est sobre, augmentera sa vie, il parle en termes generaux de tous ceux qui obseruent l'abstinence, con non pas seulemét de ceux qui viuent s'ainctement. Toutes82

fois ie demeure d accord que les impies, principalement les homicides & blaspemateurs du nom de Dieu, ne viuent pas d'ordinaire long-temps (encores qu'ils soient sobres) estans pour suius par la vengeance divine. Car ny la maladie, ny la corruption des humeurs ne cause la mort à telles gens, mais ils perissent d'une mort violente, par quelque accident qui prouient de dehors. Ceux qui pareille. ment sont totalement adonnez à leurs plaisirs, ne peuuet estre de longue vie ; car il n'y a rien qui dissipe dauantage les esprits & l'humeur radicale, & rien qui plustost affoiblisse & perde la nature.

Tu me diras que plusieurs paruiennent iusques à l'extreme vieillesse, qui ne gardent point ce regime de vie, & qui laschent la bride à leurs appetits comme l'occasion se presente, mangeans & beuuans d'ordinaire à cœur saon. Ie responds qu'il du corps & de l'ame.

fen rencontre peu, qui soient assez robustes pour relister à tels excez, & qui soient de ce temperament. Car la pluspart des grands mangeurs meurent deuant le temps. Que si ceux-là qui sont ainsi robustes & desreglez vioient d'vne couenable moderation, ils viuroient plus longtemps, plus sainement, & profiteroient beaucoup dauantage au public, & par leur esprit & par leur doctrine. Car ceux qui ne gardent la sobrieté sont remplis de beaucoup de mauuaises humeurs; sont souuent trauaillez de maladies, & ne peuuent sans le prejudice de leur santé occuper leur esprit à choses serieuses: tant pource que toute la force de la nature & des esprits est employee à la digestion des viandes, de laquelle si elle est destournee par vne violente speculation, necessairement la dige; stion sera defectueuse: & de la l'en:

gendreront plusieurs cruditez, dautant que le cerueau est empesché des vapeurs qui l'emplissent & luy causent des douleurs, si l'esprit se bande auec trop d'actió. Donques ils aurot besoin d'vn frequent exercice du corps, ou de medicamens qui les -purgent souuent : & par ainsi, si le corps iouyt d'vne longue vie, celle de l'esprit est bien courte, qui n'a ses actions libres qu'vn bien peu de temps, veu que la plus grande partie se passe au seruice du corps. Mais qu'est-ce autre chose cela, que de reduire l'esprit en l'esclauage du corps, bien qu'il doiue estre esclaue de l'esprit? Telle vie n'est point conuenable à l'homme Chrestien, duquel tout le bien est spirituel, lequel nous ne pouvons acquerir que par les fonctions de l'esprit, es par la mortification du corps & de nos sens.

De plus, que ceux qui sont de foible complexion, s'ils viuent sobrement, seront plus asseurez de leur santé & prolongation de leur vie, que les plus robustes qui seront excessifs en leur façon de viure. Car ceux-là sçauet bien qu'ils n'ont point de mauuaises humeurs, & que sils en ont, l'abondace n'est si grande qu'elles puissent apporter quelque maladie. Mais ceux-cy indubitablement par succession de temps sont remplis de mauuaises humeurs qui se sont amassees par plusieurs annees; qui peu à peu venans à se corrompre, se tournent en quelque griefue maladie, & quelquesfois mortelle. Aristote telmoigne en ses Problemes, que de son temps viuoit vn Philosophe nommé Heradicus, lequel bien que par le iugement de tous il fut d'une petite complexio, o qu'il fut tombé en chartres toutes fois par le moye de la diete, laquelle ordonne vn regime de viure, il estoit parnenu insques à l'aage de cent ans. Platon

86 rapporte le mesme, liu.3. de sa Republique. Gal. au traitté qu'il a fait de la Pthisie, & en celuy de la conseruation de la santé, rapporte que de fon temps il y eust vn certain Philosophe qui fit vn liure, par lequel il enseignoit comme l'homme se pourroit empescher de vieillir. Mais auec raifon il s'en mocque, comme d'vne chose ridicule & friuole; & touresfois ce mesme Philosophe sit cognoistre par son exemple, que telle science n'estoit pas totalement à rejetter, & qu'elle luy profita pour allonger sa vie. Car estant paruenu à l'aage de quatre vingts ans, ne luy restant que la peau collee contre les os, neantmoins par son art & par son bon regime de vie, il fit tant qu'il vescut encores longuement, &qu'en fin il ne mourut que d'vne lente Pthisie. Le mesme Gallien liu. s. de la conservation de la santé, dit : Que

du corps on del'ame. 87

par le moyen de la diete, ceux qui sont nays de foible complexion paruiennent à vne extreme vieillesse, sans aucun dommage de leurs sens, sans maladie & sans aucune douleur. Puis il adiouste en parlant de luy-melme; Mais quat a moy, encores que ie n'aye point rencontré en ma naissance une habitude de corps bien saine, en que ie n'aye vescu en pleine liberté, toutesfois m'estant seruy de cet art, depuis vingt-huict ans ie n'ay eu la moindre maladie du monde, sinon que par hazard i ay esté trauaille quelquesfois d'une diaree venant par lasitude.

Ceux qui ayment la sobrieté ne paruiennent pas seulement iusques à vne extreme vieillesse exempts de maladies & de douleurs, mais aussi en mourant ne sousseur aucun maladautant que la liaison de l'ame & du corps se resoult, non pas par quelque violence qui se fasse à la nature, mais par vne simple resolution, &

111

par la consomption de l'humeur ra dicale, ny plus ny moins que la lampe l'esteint d'elle-mesme quad l'huile est toute vsee. Car come vne lampe allumee peut estre esteinte en trois façons, i. par vne force de dehors, comme par le souffle violent de quelque vent, 2. en iettant beaucoup d'eau par laquelle la bonne liqueur d'huille est surmontee ou corrompuë, 3. par la confomption de l'huille. De mesme aussi la vie humaine est esteinte par trois manieres, 1. par vne violence externe, comme par le glaiue, par le feu, par fuffocarion, 2. par l'abondance des humeurs corrompues, ou par vne maligne qualité, par laquelle l'humeur radicale est destruite & abbatuë, 3. quand ceste mesme humeur est dissipee par vn long espace de temps par la chaleur naturelle, & feuapore en l'air; ce qui le fait tout ainsi que

89 l'eau ou l'huille, tefquelles sont eschauffees, que nous pyons dissipees par le feu. En la premiere & seconde façon la nature reçoit vn grand effort, & de là s'ensuiuent necessairement de grades douleurs autant que cela dure : pource que le temperament est renuersé par vne force contrariante, & la liaison de la nature reçoit vne dissolution violente. Mais en l'esgard du troisiesme, il n'y a que peu ou point de douleur, dautant que le temperament se resoult par le dedans petit à petit: & ceste humeur radicale en laquelle consiste principalement la vie, se consomme auec la chaleur qui est née auec nous. Car quand ceste humeur radicale diminuë, aussi fait bien la chaleur qui luy est ioincte, & l'humeur estant consommee, la chaleur demeure pareillement esteinte, comme il arriue aux lampes. Et meurent en cest sorte tous ceux qui ont vescu auec vn bon regime de viure, si d'a. uenture quelque violence de dehors ne leur cause la morte Car euitant par la diete toutes mauuaises humeurs, il n'y a rien en leurs corps qui puisse destruire le bon temperament, ou ruiner la chaleur naturelle: & par ainsi il est necessaire qu'ils viuent, infques à ce que ceste humeur radicale, & la chaleur qui luy est iointe soient tellement consommees, qu'elles ne soient bastantes pour retenir l'ame dauantage das le corps. Par ainsi l'homme ne pourroit viure, si Dieu ne conseruoit la chaleur naturelle, encores que l'humeur radicale demeurast en son entier, ou bien si ceste humeur, par vne puissance diuine, venoit à se resou-CSUPERIORIA.

La cinquiesme commodité de la sobrieté est, qu'elle rend le corps leger, agile, robuste & dispos en tous ses mouuemens : Car la pesanteur, l'oppression de la nature, & la paresse prouiennent de l'abodance d'humeurs, qui bouchent les conduits des esprits, offensent les ioinctures, & les humecte plus que de raison. Pour conclusion, retranchant par la diete l'abondance des humeurs, la pelanteur l'en va, la paresse nous laisse, & les conduits des esprits sont libres & ouuerts. En apres la mesme diete fait faire bonne digestion, & engendre vn fang louable & bon, & de là procedent quantité d'esprits purifiez, lequels rendent le corps vigoureux & dispos, and a think

Nous auons representé cinq commoditez que la sobrieté cause à nostre corps. Voyons maintenat celles qu'elle apporte à nostre ame, lesquelles aussi se peuvent reduire au

nombre de cinq.

92

La premiere est, qu'elle conserue les sens exterieurs en vigueur, & en leur entier: Car la veue principalement est affoiblie és vieillards, dautant que les nerfs optiques sont asfaillis d'humeurs superflues & de va. peurs, d'où vient que l'esprit animal qui sert à la veue estant obscurcy, ne peut suffire à ce qui est necessaire pour voir clairement. Cet empelchement est osté, ou est de beaucoup amoindry par la sobrieté du boire & du manger, ou par l'abstinence des viandes qui emplissent le cerueau de fumees, comme sont toutes choses grasses, & principalement le beurre mangé en quatité, les vins forts, la ceruoile espoisse, ou les medicamens composez d'herbes qui donnent au cerueau.

L'ouye est empeschee par vne defluxion qui se fait du cerueau d'vne humeur cruë & superfluë sur l'orga-

du corps & de l'ame. ne de l'ouye, ou sur le nerf qui luy fert. Car par ce moyen l'homme deuiet sourd, ou ented dur du coste où

rombe la fluxion. Telle defluxion est arrestee ou preuenüe par la sobrieté. Et quand elle est arriuee, elle peut estre aussi bien guarie par la diete que par medicamens, pourueu que le mal ne soit inueteré, qu'il n'ayt prins racine de longue main, & que l'on se serue aussi de quelque application de remedes sur la partie.

Le goust est principalement de- 44. praué par de mauuaises humeurs qui tombent sur l'organe d'iceluy, & come s'il y a quantité d'humeurs

bilieuses, acides, ou sallees qui tombent sur la langue, & qui occupent le gosier, soit qu'elles procedent du chef ou de l'estomach, dont la tunique interieure est contiguë auec ses organes, toutes choses nous semblét ameres, acides & fallees. Telles in-

commoditez sont guaries par la foi brieté, laquelle mesme a ceste proprieté, que les viandes communes & le pain sec sont bien plus agreables à l'homme fobre, que les mets les plus delicieux & exquis à quelque homme qui ayme les bons morceaux. Car l'appetit reuient quand l'estomach & l'organe du goust sont deschargez de ces humeurs vicieuses, qui causoient le degoust. Pareillement elle conserue les sens de l'odorat & de l'attouchement.

Ie rombe bien d'accord neantmoins, que la vigueur des sens, principalement des yeux & des oreilles faffoibit grandement, voire qu'elle s'esteint par vne longue vieillesse: dautant que le temperament des organes, comme des autres parties se dissoud peu à peu, par la consomptió de l'humeur radicale & chaleur naturelle; d'où il arriue que le tempe-

du corps & de l'ame. rament deuient plus sec qu'il n'est besoin, pour l'operation des sens, & que tous les meats & pores sont réplis de pituite, laquelle est grandement contraire à toutes les fonctios de l'ame. Car tout ainsi que les vieilles gens sont extremement froids & fecs, aussi deuiennent-ils grandemét humides par l'excez de la bouche. Tellement que la vieillesse qui n'est autre chose qu'vne téperature frois de & seiche, prouenant de la consomption de l'humeur radicale, & de l'extinction de la chaleur naturelle, se trouue aussi incommodee outre mesure d'vne pituite froide qu'aporte la quantité du boire & du máger.

L'autre commodité que la sobrieté cause à nostre ame est, qu'elle diminuë & adoucit grandement les passions qui la trauaillent, principalement celles de la colere & de la

Regime de viure 96 melancolie, en leur oftant toute inpetuolité desordonce; & fait le sem.

blable enuers le goust & l'attouchement, qui fait qu'à bon droit l'on en doit faire vne merueilleuse estime. Car c'est vne chose honteuse de ne pouuoir maistriser la colere, & d'estre suject à la melancolie, aux fascheuses solicitudes de la fantasie, & de se laisser emporter à vn aueugle appetit de la bouche & de la sensualité. Et telles actions ne sont pas seulement deshonnestes, & contraires à la vertu : mais aussi ennemies de la fanté, & fort improuuees par gens d'honneur. Donques la sobrieté remedie facilement à tous ces maux; par vn retranchemét ou correction des humeurs qui les causent. Or estil qu'il n'est rien si certain, & les Medecins & les philosophes le tiennent pour maxime, & l'experience nous l'enseigne, que ces humeurs sont du corps & de l'ame.

les motifs de telles passions.

Car nous voyons que ceux qui font remplis d'humeurs bilieuses, sont choleres & prompts ; que les melancoliques sont triftes & peureux: & si la melancolie s'eschauffe dans le cerueau, qu'elle engendre la phrenesie & la manie : si l'humeur estacide & attachee aux tuniques de l'estomach, elle cause vn appetit insatiable de manger; si le corps est remply d'vn fang bouillant, il incite à lubricité; notamment s'il se rencontre quelque matiere flatueuse, qui y soit iointe. Car l'apprehension de la fantaisse suit les passions de l'ame par maxime de Philosophie, & est conforme à la disposition du corps, & aux humeurs qui dominent en iceluy. D'où il arriue que les bilieux ne songent d'ordinaire

que de feu, d'incendies, de guerres &

carnages les melancoliques que de

tenebres, de funerailles, de sepul. ches, de fantosmes, de fuites de cauernes, & de toutes choses fascheu. ses : les pituiteux, que de pluyes, de marescages, de fleuues, de desborde. mens, de deluges & de naufrages: les sanguins, que de banquets, que de musique, que d'amour. Ores les songes ne sont autre chose, que les apprehensions de la fantaisse, quand les sens sont assoupis. Tellement que comme en songeant & veillant nostre fantaisse apprehende beaucoup de choses conformemet à l'humeur & à la qualité qui domine, principalement au premier applaudissement de l'object, auparauant que la raison l'ayt corrigé & redressé. Partant l'excez de telles humeurs peruertit la naturelle constitution de la fantaisie & de l'apprehension. Carla bile qui est fort amere, & grandement contraire à la nature, fait que la fan-

taisie apprehende tout ce qui luy desplaist és discours & actions d'autruy, comme chose qui luy est cons traire; ennemie & injurieuse & comme ceste humeur estardente & impetueuse, elle fait que l'apprehension est prompte & vehemente, & nous porce à repousser vistement le mal qui se presente, & à en poursuiure la vengeance. L'humeur melancolique est pesante, froide, seiche, endormie, acid de couleur noire, & fort dommageable au cœur. Et partant elle fait que la fantaisse apprehende toutes choses, comme luy estans contraires ennemies, tristes & tenebreuses: mais à cause de sa froideur & de son appesantissement elle ne nous incite, comme fait là bile, qui est legere quec telle promptitus de ; ains elle nous donne de la crains te, elle nous fait gaigner la fuite, & nous fair temporiler. La pituite est

Regime de viure froide & humide, d'où vient que l'apprehension est tardiue en tout & par tout languissante, sans vigueur, sans acrimonie, & sans allegresse. Tellement que la bile rend les hommes coleres, prompts, turbulens, audacieux, vehemens, fascheux & desplaisans, elle fait que rien ne les contente, ils iurent, ils maudissent & ne font que crier. De là procedent tant d'injures, tant de batteries, tant de blessures, tant de tueries entre les hommes; Car mesmes ce qui se fait par ceux qui sont yures, le plus souuent arriue par la fureur de la bile, le vin l'augmentant & l'eschauffant. La melancolie rend les hommes triftes, lasches de courage, craintifs, solitaires, songes creux, & propts au desespoir. Et comme quand la bile est bouillante, elle peruertit au mesme instant le jugement : ainsi la melan-

colie qui occupe le cerueau, enuoye

du corps & de l'ame.

presque tousiours de mauuaises vapeurs qui s'esseuent des hypochondres, ou au cœur, ou à la teste. La pituite rend les hommes lents, languifsans, endormis, peureux & oublians; brefinutiles à toutes choses. Car encoresque ceste humeur ne soit point tellemet ennemie du corps humain, comme est la bile & la melancholie, elle est neantmoins beaucoup nuifible aux fonctions de l'ame. Car par sa froidure elle assoupit la vigueur des esprits, & humecte excessiuemet le cerueau & les conduits des esprits vitaux.

Mais la diete est vn souverain remede pour la pluspart de toutes ces incommoditez. Car par son moyen les mauuaises humeurs diminuent peu à peu, la nature les consomme & les chasse, pour ueu que l'on se serué de quelques medicamens purgatifs. Puis apres l'intemperie du corps

G ii

se corrige, le sang se purifie & se rempere, sans aucun messange de cruditez, sans humeurs superflues,& sans qu'il peche en quantité. Tellement que nous voyons d'ordinaire que les gens sobres sont paisibles, affables, courtois, gaillards, de facile abord, & moderez en toutes leurs actions. Car le fuc d'yne benigne nature rend les affections & les mœurs pareillement benignes: & le suc maling, comme est celuy de la bile & de la melancolie, s'il excede en qualité ou en quantité, il rend les affections & les mœurs malignes & furieuses. En quoy convient aussi remarquer, que les mauuaises humeurs n'excitent pas seulement les passions, & leur donnent le commencement, mais qu'alternatiuement par vne certaine sympathie, elles sont enflamees, fortiffices, & augmentees par clles-meimes.

du corps & de l'ame.

Cela void-on en l'humeur bilieu
fe, laquelle excite la paffion de l'ire

se, laquelle excite la passion de l'ire quand elle domine, par le moyen de l'apprehension de la fantaisse qu'elle a blesse: l'essmotion de l'ire eschausse les esprits & l'humeur bilieuse par vne certaine sympathie; l'humeur bilieuse estant eschaussee, fait que la fantaisse apprehende les choses auec plus de force & de vehemence, & que l'injure paroist plus grande qu'auparauant: & ainsi pareillement l'esmotion de l'ire s'ac-

grande qu'auparauant : & ainsi pareillement l'esmotion de l'ire s'accroist & se fortisse; & de là arriue quelquessois que ceste ire se tourne en sureur, si la fantaisse demeure loguement arrestee en l'imagination

de l'injure.

Tellement que c'est vn tres-salutaire conseil, que de diuertir nostre

pensee des injures que nous auons receuës, d'autant que la souvenance qui nous en reste est grandement

G iiij

prejudiciable & à l'ame & au corps. Par mesme moyen l'humeur melancolique excite la tristesse, sans aucune occasion que de la fantaisie: La tristesse serre le cœur par quelque sympathie, & empesche sa libre fonction: & de là arriue que l'humeur melancolique se brusse, & qu'elle deuient plus maligne; d'autant que les vapeurs de ceste humeur terrestre ne peuvent estre dissipees: & ceste humeur deuenue plus maligne, augmente la tristesse, souuent cause vn desespoir, & nous ameine à de fascheuses resolutions. 12 22 22

La troissesse commodité que la sobrieté nous apporte, c'est la conferuation de la memoire. Car elle est principalement empeschee par l'humeur froide qui occupe le cerueau, laquelle trauaille extremement les vieillards & les intemperans; Car elle bousche les conduits plus estroits

du corps en de l'ame. 105 des esprits, & refroidit les melmes esprits & les appesantit; d'où vient qu'elle rend les apprehensions lentes, mornes & coulantes, & fait qu'elles nous eschappent tellement de la memoire au milieu d'vn discours, que nous ne sçauons ce que nous auons dit, ou dequoy nous auons parlé; & que nous demandons à quelqu'vn de la compagnie à quoy nous en sommes demeurez. Mais cela peut arriuer en trois façons; Premierement de ce que l'esprit animal, duquel la fantaisse se sert pour se ressouvenir de quelque chose, & en toute autre action où il s'occupe, est interropu au milieu de sa course par l'humeur pituiteuse, & par telle interruption, l'apprehension de la chose se perd, & en suite toute souuenance pareillement. En second lieu, pource que l'apprehension est lente & sans reflection, & ce par

Regime de viure le defaut, ineptitude & indisposition des esprits; & que l'apprehension de la chose faite sans reflection, ne peut laisser aucunvestige de soyqui suffise pour la resouuenance, qui consiste immediatement enuiron nos actiós, & mediatement enuiron les objects d'icelles seulement. D'autant qu'à parler proprement, ie ne me ressouuiens pas que Pierre est mort, mais bien que ie l'ay veu mort, que ie l'ay ainsi entendu, & que ie l'ay ainsi leu. Partant où il n'y a point de reflexion sur nos actions, il ne peut rester aucun vestige suffisant pour nostre memoire, En troisiesme lieu, cela arriue par l'ineptitude seule & indisposition des esprits. Car encores que le vestige en quelque façon soit suffisant de soy-mesme: toutes fois le plus souuent par le defaut des esprits, par l'impureté, assoupissement, & l'excessive chaleur d'iceux, nous ne pouuons bonnement nous seruir de co vestige pour nostre souuenance, Et par tel accident nous voyons arriver que quelques vns perdent presque toure la memoire, & qu'ils oublient toutes les sciences qu'ils auoient apprinses auparauant, comme quand l'abondace d'vne pituite froide boufche les conduits plus estroits du cerueau, & rend les esprits endormis, & humecte & refroidit excessivement toute la substance du cerueau.

Toutes telles incommoditez se peuuent empescher ou guarir par la sobrieré, & vn regime de viure bien reglé, comme en l'abstenant de vins forts & fumeux, fi cen'est en petite quantité. Car ores que le vin soit chaud, neantmoins si l'on en vse souuent & que l'on en boiue beaucoup, il engendre des maladies froides, comme des fluxions, des toux, des rhumes, l'apoplexie, la paralisse : dau 108 Regime de viure tant qu'il remplit le cerueau de vapeurs, lesquelles estant refroidies sont couerties en vne pituite froide, & apportent ces incommoditez. Et n'est pas seulemet requis de s'abste. nir des vins qui sont violens & fumeux, mais aussi de l'vsage trop abodant des viandes humides, & autant que faire se pourra convient vser sobrement de viandes seiches; Car ainsi toute humidité superfluë sera oftee, où s'il y en auoit aucune engendree auparauant, elle se consommera: & par consequent arrivera que les obstructions qui prouenoiet d'icelle s'en iront, que les conduits des esprits seront plus ouverts, que les mesmes esprits seront extenuez, qu'ils seront remis en bon estat, que le cerueau retournera à son temperament naturel, & ainfi il deuiendra bien disposé auec l'esprit, pour seruir à la fantaisse & à la memoire.

du corps & de l'ame. 109 La quatriesme commodité, c'est si

la vigueur de l'entendement pour penser, ratiociner, inuenter & suger, & vne disposition pour receuoir les illuminations diuines. D'où procede que ceux qui sont adonnez à la sobrieté, sont vigilans, circonspects, prouides, de bon conseit, & d'vniugement sain. S'il est question des sciences, ils excellent facilement en

celles où ils l'appliquent.
S'ils se mettent à l'oraison, à la me-

ditation, à la contemplation, ils sen acquittent auec vn plaisir indicible, & vn goust spirituel qui ne se peut imaginer. Les anciens Peres & les Hermites nous le donnent à cognoissire par leur exemple, lesquels estans grandement abstinens, auoient tousiours vn esprit vigoureux, & passoiet toutes les nuics en prieres & en la contemplation des choses diuines, auec vn contentemét d'esprit si grad,

110 Regime de viure qu'il leur sembloit qu'ils iouissoient desia des ioyes de paradis, & le temps se passoit sans qu'ils sen apperceus. sent. Ainsi sont-ils paruenus à vne singuliere saincteté, ainsi ont-ils coferé & traicté familierement auec Dieu, ainsi ont-ils eu le don de prophetie & le don de miracles, & ont esté en grande admiration à tout le monde. Car ayant l'ame perpetuellement esleuée en haut, & n'ayant que Dieu pour leur principal objet, ils ont esté reputez dignes que Dieu à son tour se soit incliné vers eux, en les illuminant excellemment (comme il est escrit au Psea. 33. Approchezvous de luy, & vous serez illuminez) les rendant participans de ses secrets, & leur faisant faire des merueilles. Tellement que par là le monde pouuoit comprendre combien leur vie estoit agreable à Dieu, & chacun estoit excité à les imiter, & à leur

porter honneur & reuerence.

Mesment en ce temps, ily en a heaucoup qui par la mesme voye de l'abstinence s'efforcent de paruenir au comble de la sagesse & des vertus Chrestiennes, aucuns desquels se rédent admirables à tous par le grand nombre de leurs escrits, & leur rare doctrine. Et sans doute que nul sans la faueur de la sobrieté, ne pourra iamais rien faire de semblable : que fil vouloit sopiniastrer en telle entreprinse, il abregeroit ses iours & mourroit en la peine. Personne ne pourra dompter ses passions sans le secours de cestevertu, encores moins obtenir vne tranquilité d'esprit, l'occuper auec vne grande facilité & plaisir és choses diuines, & paruenir à vn eminent degré de saincteté. De toutes lesquelles choses la sobrieté est la base & le fondement, comme Cassian l'enseigne liu. 5. de la Gourmandife, chap. 14. & 17. Car tous les Saincts qui se sont efforcez de bastir vne haute tour de perfection Euangelique ont comence par elle, comme par le fondement de tout edifice spirituel.

Et n'importe pour ce regard que nous tenions que la foy soit le fondement de toutes les autres vertus. & consequemment de tout le bastiment spirituel : D'autant que la foy est l'intrinseque premier & princi= pal fondement, sur lequel directement toutes les autres vertus sont foustenuës; mais l'abstinence est l'extrinseque & second fondement, qui sert comme d'estaye, entant qu'elle repousse les choses qui empeschent l'vsage de la foy, & les fonctions de la puissance intellective, ou qui la rendent difficile, mal-plaisante & laborieuse : & pareillement nous donne des expediens pour ren

du corps & de l'ame. dre toutes ses actions excellentes, faciles & delectables. Car tout progrez spirituel depend de l'intellect & de la foy qui reside en iceluy. Parce que nous ne pouuons aymer quelque bien, & profiter en iceluy, ny hayr quelque mal, & redoubler la hayne que nous luy portos, si nous n'y sommes poussez & esmeus par le mesme intellect. D'où vient que celuy qui par grace diuine est venuà ce poinct, de n'auoir l'esprit bandé qu'aux choses celestes & diuines, ainsi que faisoient les Apostres & plusieurs saincts personnages, sans beaucoup de peine mesprisera toutes choses mondaines, & l'esleuera à vn degré sublime de saincteté & de merites, & en suire obtiendra au Ciel la courone de gloire. Car la volonté se conforme aisément au jugement de l'intellect, alors qu'il vient à luy proposer quelque chose. D'où appert, que ce qui em-

Regime de viure 114 pesche & obscurcit les fonctions de l'esprit, ou qui les rend difficiles & laborieuses, est cause le plus souvent que nous ne pouuos paruenir à quelque insigne degré de perfection, soit és sciences, soit és exercices de pieté, ou saincteté de vie. Mais les choses qui rendent les fonctions de l'intellect faciles, promptes, excellentes & agreables, font que l'hôme est idoine à vaquer aux choses spirituelles, sans se trauailler nullement, & qu'auec vn grand contentemét il peut attaindre à vn degré de sagesse & de saincteté

Partant, puisque la sobrieté a la puissance d'oster rous les obstacles qui peuuent troubler & empescher les libres actions de l'entendement & qu'elle nous met en main tous les moyens qui luy peuuent donner ses coudees franches, nous pouuos auec raison soustenir qu'elle est le second

du corps & de l'ame.

115
fondement de sagesse & du progrez
spirituel: & cela pouvons-nous verifier par les raisons que nous en avons
cy-dessus alleguees. Car les choses
qui causent de l'empeschement, &
apportent des difficultez à la contemplation, ce sont, la trop grande
humidité du cerueau, l'abondance
des vapeurs & des sumees, l'obstru-

ction des conduits d'iceluy, la grande quantité de fang, la ferueur des efprits prouenant du fang & de la bile, les vapeurs bilieuses, ou la melancolie aduste qui gaignent le cerueau. Tous lesquels empeschemens sont

colie aduste qui gaignent le cerueau.
Tous lesquels empeschemens sont
preuenus, s'ils ne sont encores formez,par la sobrieté; & si nous en sommes trauaillez, peu à peu nous les
pouuons vaincre, ou les corriger par
ce remede, en se servaint s'il est besoin

de quelque purgation au commencement du mal, pourueu qu'il ne soit

inueteré & incurable, comme il arri-H ij

116 ue quelquesfois quand la melancolie & la pituite ont gaigné le cerueau, qui cause vne folie qui ne peut receuoir de guarison. Ceste sobrieré ne fert pas seulement pour oster tous les obstacles de la speculation, mais elle nous fait des ouuertures & nous donne des expediens pour y vaquer plus librement, c'est à sçauoir vn sang bien temperé, & consequemment des esprits bien purifiez, & vn cerueau delchargé d'humeurs superfluës. Car la temperature du cerueau, laquelle par intemperance est deuenüe trop humide, trop froide, trop feiche ou trop chaude, est corrigee par la sobrieté, & reduite au poinct de la medio-

Le profit qui se recueille de la sobrieté est grandement recommandable. Car qui a-il-de plus desirable à l'homme Chrestien, & principalement au Religieux, que d'auoir en

du corps en de l'ame. vne longue vieillesse l'entendement fain, que d'estre gaillard, dispos, & alaigre à toutes fonctions? Car outre que toutes ces qualitez nous sont agreables d'elles-mesmes, elles ameinent auec elles vn grand bien spirituel, si nous le desirons. Dautant que lors, à cause d'vne longue experience du passé, nous auons vne cognoissance plus claire de la vanité du monde qu'auparauant, & nostre ame en a plus de degoust; alors nous commençons à mieux sauourer les choses celestes, & mespriser le monde, alors nous auons les choses futures tousiours deuant les yeux, pour y penser meurement, & nous preparer dignement; alors la cognoissance & l'experience que nous auons acquise depuis nostre ieunesse iusques à ce téps-là nous seruent d'appuy, & lors nous recueillons les sauoureux fruicts de nos trauaux passez. Alors ayans calmé H iii

les orages, & les bourasques de toutes les passions de nos ames, nous pouuons nous appliquer auec yn grand plaisir & facilité à l'oraison, à la meditation des choses divines, à la lecture de l'Escriture saincte, & des SS. Peres, auoir tousiours en l'esprit quelque saincte pensee, ruminer tousiours quelque sentence de la parole divine, comme iadis pratiquoiet nos bons Peres: dire nos prieres Canoniques auec vne singuliere attention, offrir le sacrifice de la Messe auec vne grande reuerence & deuotion. En fin l'on ne peut raconter auec assez d'estonnement, combien la vieillesse s'aquite gayement de toutes ces fonctions de l'ame, quel contentement, quelle consolation, & en suite quel merite & quelle recompense elle f'aquiert.

Ceste raison principalement m'a poussé à rediger ce traitté par escrit,

du corps en de l'ame. c'est à sçauoir, pour recommander vn fi grand bien aux hommes pieux, & fur tout aux Religieux; afin que par le moyen d'iceluy ils peussent viure longuement en santé, servir à Dieu auec vne grande facilité & resiouyssance, rendre leurs esprits idoines à receuoir les diuines inspirations & illuminations, & faire amas d'vn nombre de tresors de bonnes œuures. La longue vie veritablement est de bien peu d'estime, & ne sert de beaucoup, a elle est plus profitable au monde que non pas à Dieu, si elle est employee à l'ambition, à l'auarice, ou à la volupté: mais si elle est totalement occupee au seruice de Dieu, & aux actions vertueuses, elle est grandement estimable & vtile. Partant encores que la sobrieté ayt ceste vertu, qu'elle donne vn corps robuste & fain, & vn esprit vigoureux non seulement aux personnages pieux, mais H iiij

aussi aux mondains; neantmoins il faut principalement que ceux qui ayment la pieté, & qui desirent sur tout estre agreables à Dieu la suiuent & l'embrassent, dautant qu'elle apporteen ceste vie vn grandissime plaisir, & en l'autre vne eternelle recompense.

La cinquiesme cómodité est, qu'elle esteint la violence de la sensualité, rabat merueilleusement les tentatiós de la chair, & procure vne souueraine tranquilité & au corps & à l'ame. Età ce propos vn Ancien disoit fort bien; Que Venus demeure refroidie, sans le secours de Cerés & de Bacchus. Tous ceux qui se sont rendus recommandables par leur saincteté, ont vsé de ce remede cotre telle maladie. Et certes apres la grace diuine, il n'y en a aucun plus conuenable ; dautant que la sobrieté retranche & coupe broche à la matiere, à la cause impulsiue, & à la cause

du corps & de l'ame. 121 excitante. Par la matiere, i'entends l'abondance de la femence, par la cause impulsiue, l'esprit animal qui sert à l'expulsion, par la cause excitante, l'imagination des plaisirs de la chair. Ceste imagination excite premierement la passion de la concupisence, puis aussi-tost esmeut les esprits à l'expulsion; & quand ils sont

repugne.

Le principal combat du Chrestien consiste à dompter & tenir en bride ceste passion, principalemet lors que nous sommes en aage slorissant, &

esmeus, ils pressent de si pres, qu'ils paracheuent l'action, si la voloté n'y

que la nature est encores robuste.

La sobrieté soustrait la matiere & la cause impulsiue: dautant que s'il y a abondance de semence, elle fait qu'elle diminuë peu à peu, soit en la quantité, soit en la chaleur. Elle diminuë aussi l'abondance & la chaleur

58.

des esprits, en l'abstenant de viandes chaudes & venteuses, de l'vsage des vins forts & de la ceruoise fumeuse. pour nous ramener à la mediocrité. Ores par la diminution & par la tem. perature de la semence & des esprits, les imaginations lubriques se passent d'elles-mesmes; ou si elles surviennent nous les repoussons aisément, si d'auenture par permission divine le diable ne les suggere : dautant qu'elles tirent leur origine par quelque sympathie de la disposition du corps, comme de l'abondance de la semence & des esprits, ainsi que les autres imaginations, qui suiuent la conditió de l'humeur dominante, come nous auons declaré cy-deuant. Et pour preuue de mó dire, il est tres-certain que ceux qui sont sobres se trouuent rarement trauaillez de telles imaginations & tentations. Que si telles causes ne sont en abondance, la

du corps en de l'ame. sobrieté va au deuant & les estouffe à leur naissance, n'ordonnant de boire & de manger dauantage que ce qui fuffit pour la nourriture du corps. Car elle ne prend ses mesures pour se regler en les repas à l'aulne de l'appetit, qui souvent nous abuse, mais à celle de la raison, qui prend garde à la qua-

lité & à la quantité de ce qu'il faut pour la coseruation du corps, & pour les fonctions de l'ame. Mais il y a deux raisons qui font 19. que l'appetit nous trompe & nous

abuse. La premiere, dautant qu'il ne desire pas seulement ce qui luy est necessaire pour la conservation du corps, mais aussi ce qui est requispour la procreation. Car l'appetit de boire & de manger en l'homme & és autres animaux, naturellement tend à ces deux fins, c'est à dire, à la conleruation de l'individu, & à la propagation de l'espece. C'est pourquoy la

raison dicte à ceux qui veulent viure fobrement, & s'exempter des esquil. lons de la chair, qu'il ne faut pas croire son appetit, mais luy accorder seulement vne partie de ce qu'il demande, & autant qu'il est besoin pour la sustentation du corps. Que si cela se passe de la sorte, il n'y aura point d'abondace de seméce, & point du tout, ou peu de desirs deshonnestes. Car la semence est vne superfluité de l'aliment, non necessaire à la nourriture du corps. Donques quand l'on ne prend point plus de viande qu'il est requis pour viure, en ce cas il n'y a rien ou peu de superflu, qui soit conuerty en semence.

La deuxiesme raison est, que l'appetit desire beaucoup plus qu'il n'est couenable pour satisfaire à la sustentation du corps, & à la propagation de la nature, soit à cause de la mauuaise disposition de l'estomach, comme

du corps & de l'ame. en la faim canine, en la bolimie, &

lors que l'humeur melancolique est adherente aux tuniques de l'estomach, ou à cause du desguisement & saulses des viandes, lesquelles par leur varieté chatoüillent & esquisent l'appetit, & nous prouoquent de plus en plus à manger. C'est pourquoy tous œux qui ayment la sobrieté & la chafleté, voire mesmes ceux qui sont cuneux de leur sancé doiuent sur tout euiter, mesme suiuant l'aduis des Medecins, telle varieté de viades de haut goust, dont nous auons cy-deuant parlé.

Desquelles choses appert, que la sobrieté & l'abstinence ont plus de force pour dompter la sensualité, que non pas toutes les autres mortifications, comme de porter la haire, se donner la discipline, coucher sur la dure, & autres trauaux du corps, qui ne l'affligent qu'exterieurement, &

ne touchent que la peau; & non pas la cause du mal, qui est cachee au de. dans. Mais l'abstinence en tire la racine, & la va rechercher iusques au profond des veines, & reuoque le té.

perament de la nature à la mediocrité. Partant tous ceux qui se cognoisfent sujets à telles infirmitez, doiuent té, & suiure son conseil.

fe ranger sous les loix de ceste sobrie-Iusques à present nous auons traitté des commoditez & des fruicts de la sobrieré, & pouuons confirmer no stre dire par les tesmoignages des SS. Peres: mais nous en demeurerons là pour cause de briefueté, nous contentans seulement d'vne sentence de S. Iean Chrysostome, laquelle nous il-

rerons de l'Homelie qu'il a faite du ieusne: Le ieusne, dit-il, est une imitation des Anges, le mespris des choses presentes, l'escole des prieres, la nourriture de l'ame, le caueçon de la bouche, l'adoucif-

du corps & de l'ame. sement de la concupiscence, comme le sçawent trop mieux ceux qui font profession de ieusner; il appaise la fureur, il retient la colere, il accoise les flots de la nature, ilexcite la raison, il esclaircit l'entendement, il rend la chair plus souple, il chascles pollutions nocturnes, il ofte les douleurs de la teste, il rend la veu è plus claire Gles couleurs plus belles: Les gestes 🚱 le maintien des ieusneurs sont tousiours hien reglez, ils parlent ay sement, cont de droites & sainctes pensees. Voyez ce que le mesme S. Iean Chrysostome en escrit en la 1. Homelie sur la Gen. Vous pouuez lire pareillement ce que S. Basile en dit en l'oraison du ieusne. Sain& Ambroise au liure d'Elie & du ieusne. Sainct Cyprian en l'oraison

du ieusne, & autres sur mesme sujet.

Quelqu'vn dira que ceste sobrieté
est grandemet fascheuse & ennuyeule, comme celle qui trauaille l'homme d'vne perpetuelle faim, & qu'il

seroit meilleur de mourir prompte, ment, que de traisner vne vie miserable par l'vsage d'vn remede si rude & si fascheux; comme celuy à qui l'on vouloit couper la cuisse, qui ne le voulut soussir, disant; Que sa guarison ne luy estoit pas entelle consideration, qu'il se peut resoudre pour icelle d'endurer vne douleur si violente.

En premier lieu ie luy responds, qu'au commencement ceste sobrieté est ennuyeuse & importune, à cause d'vne accoustumace tout cotraire, mais cela se passe peu à peu sans s'en apperceuoir: Car il ne faut pas tout à coup aller d'vne extremité à l'autre, mais de jour en jour retrancher petit à petit quelque chose, iusques à ce que nous soyons paruenus à quelque iuste mesure, comme Hypocrate le nous enseigne en diuers lieux. Car ainsi faisant, l'estomach se restrecit bellement, sans aucune incommo-

du corps on de l'ame. dité, & se perd l'auidité que nous sentons auparauant, & lors que l'estomach est reserré à vne iuste & raisonnable proportion, nous ne receuons plus aucun desplaisir de la sobrietes dautat que la petite quantité du boire & du manger l'accommode fort bien à la capacité & force d'iceluy. Cela pouuons nous remarquer; en ce qu'au commencement de la Quarantaine quelques-vns se falchent de ne point dejeuner n'y estat point accoustumez, mais auec le temps l'vsage leur rend le ieusne tollerable, & la pluspart se trouvent si bien de l'abstinence, qu'ils ne veulent faire autre chose le reste de leur. vie. Aucuns font le semblable se passans de souper. En cas pareil, nous n'auons point de peine à nous passer de quelques viandes moins laines, encores qu'auparauant nostre gourmandise les nous fit grandemet

1

aymer, quand nous nous sommes accoustumez à les quirter. Donques c'est chose fausse de soustenir que la sobrieré nous travaille d'yne perpetuelle faime signo no montes quanc

En second lieu ie maintiens, que posé le cas que la sobrieté nous donnast quelque legere fascherie par vn long espace de temps, dont ie ne tomberay iamais d'accord: Si est-ce qu'il faut considerer que la compenfation sera agreable, qui se fera d'vne petite incommodité, auec les grands fruicts qui en proviennét d'ailleurs. Car la sobrieté chasse les maladies, rend le corps agile, sain & pur, l'exempte de toute puanteur & infection, donne vne longue vie, fait que nous trouuons les viandes commuenes plaifantes & agreables à nostre gouft, conserve nossens en leur integrité, & noftre memoire en fa vigneur, aiguise nos esprits & les rend

du corps & de l'ame.

clair-voyans, & capables de receuoir des illuminations diuines; elle maisfirise nos passions, elle bannist loing de nous lacolere & les ennuys, & razbat les efforts de la concupiscence. Finalement elle remplit l'ame & le corps de plusieurs biens; en sorte qu'à bon droit l'on peur l'appeller mere de la fanté, de la gaillardise, de la fagesse, & de routes les vertus.

Toutau contraire, la vie desordoneereçoit des incommoditez innumerables, en contr'eschange d'vn l'in plaisir qui est mince & de peu de duree. Car elle charge l'estomach de pelanteur, empesche la santé lintroduit plusieurs maladies, rend le corps sale, puant, plein demorue & d'excremens, excite à la paillardise, affujetit l'ame aux passions, hebere les sens, debilite la memoire, obscurcit l'esprit & le jugement, bref elle rend l'entendemet stupide & moins

:

132 idoine a toutes ses fonctions, comme aux sciences, à l'oraison, à la meditation aux choses sublimes & à tout ce qui regarde son salut : d'où vient que le profit qu'il pourroit faire en la cognoissance de beaucoup de choses tres excellentes en la sainchère de lvie ; & aux merites des bonnes edures est beaucoup moindre. Mais quel grand bien donques peut reuffir de rout cela livne volupré briefue & momentance, dont pous n'auons de fenciment qu'autant qu'il faut de temps pour mangerda viande; & jusques à ce qu'elle foir passee dans l'estomach, & loeste volupté encores est ielle beaucoup vile, nous estant commune auecles bestes brutes, & ne donne plaisir qu'à la moindre partie de -nostre corps; sçauoir est, à la langue, au palais; & au gofier: & pour fi peu e de cas nous souffrons tant de maux. du corps & de l'ame. 133

Telle friandise est cause de toute la difficulté qui se rencontre en la sobrieté: Car s'il n'y auoit aucun plaifir à boire & à manger, il n'y auroit aucune difficulté à s'en abstenir. Ores c'est chose bien certaine, que l'intemperance n'a point d'autre cotentement que ceste sale & courte volupré de la bouche. Que c'est vne chose miserable & indigne de l'hôme, de se rendre esclaue de sa bouche, & pour son occasion endurer tant de dommages & d'incommoditez! Combien receuons nous d'abfynthe & d'amertume pour bien peu de douceur? 1966 à la nucles sulq

Ces choses doivent estre diligemment considerees & balancees, & sur tout par les Ecclesiastiques & cent qui sont dediez au service de Dieu, la prosession desquels est de vaquer aux sonctions de l'ame, la s'appliqueraux choses divines. Car si nous

y pensons soigneusement, il ne se peut faire que la sobrieté ne nous soit agreable & facile, & que nous n'ayons l'intemperance en horreur, & ne la detestions. Quoy ne rougi. rons-nous pas de honte de nostre fetardise? ne mourons nous pas de regret de nostre lascheté de courage, pour nous voir tellement assujettis au seruice de nostre bouche? Quoy fubir le joug de son empire est-ce pas chose fort rude à supporter ? Et ne pouuoir resister à ses aleichemens si abiects & de si peu de duree, est-ce pas vne notable infamie? Qui a-il de plus deshonneste &de plus honteux, que d'estre reduit en l'esclauage de la bouche & de son ventre ? Qui a-il de plus impertinent, que de renoncer à tous les biens & de l'ame & du corps, que la sobrieté nous apporte, pour vne petite volupté de la bouche, & se donner en proye à toutes

du corps & de l'ame.

les incommoditez, & les maux que l'intemperance nous force de receuoir? Miserable condition des mortels, qui est hommagere de telles vanitez, qui est aueuglee de si grandes renebres, & subjette à des erreurs si prejudiciables, l'entendement duquel est abusé sous l'espece d'yn bié delectable, comme par vn fonge, en iugeant mal, & faifant le choix de cela qui se presente nollo ismollistaq

Voila ce que nous auons à dire de la sobrieré, entant qu'elle est vn instrument tres-vtile pour conserver le corps en santé, & l'entendemét en vigueur iusques à vne logue vieilles le, & pour acquerir de tres-grads biés & à l'vn & à l'autre, tant téporels que spirituels : Or ie faits à Dieu vne instante priere, que plusieurs en fassent leur profit. Partant ie finiray par les paroles de S. Pierre, qui excitent tout le monde à la sobrieté: Mes freres,

136 Regime de viure dit-il, soyez sobres & vigilans, d'autant que le diable qui est vostre ennemy tournoye comme yn Lyon rugiffant , cherchat qui denorer; auquel vous aucz à faire resistance, fortifiez en la foy. Car la sobrieté est non seulement profitable pour vaincre les tentations de la chair, où la pluspart des mortels succombent, mais aussi pour toutes les autres passions desreglees : comme pareillemet elle nous sert beaucoup pour paruenir à toutes les autres vertus, ainsi que nous l'auons fait paroistre par la deduction des raisons que nous auons rapportees en ce difit, Sipour acquein de tres grads bies

Seal yn Stal Laure, taaste porols que pirituels: Or ie faits à Dieu vneurlante priore, que pluficars en fassent leur profit. Parant i faitent par les par les paroles de S. Pietre, que excitent cont la monde à la libritete: Mes fants

ii J

TRAITTE DE LA SOBRIETE

कार्याच और अध्यक्षकर्य

Par Louis Cornaro Venitien.

Traduict du Latin du mesme R.P. Leo-NARD Les sivs de la Compagnie onv

Par SERASTIAN HARDY Pavilien, Receneur des Andes & Tailles du Mans.

Est chose tres-asseuree que l'accoustumance se reconstruire par succession de temps; tellement que nous sommes comme forcez d'vier des choses bonnes & mauuaises, esquelles nous nous sommes accoustumez. Et mesmes nous voyós en beaucoup de rencontres que la coustume a beaucoup plus de force, que non pas la raison. & cela deuons

nous tenir pour maxime tres-verita ble. Car souuent vn homme de bien devient mauvais, par la familiarité qu'il contracte auec les meschans. Et comme vne bonne coustume se conuertit maintesfois en mauuaise, de mesme la mauuaise se change en bonne. Car comme celuy qui de bon qu'il estoit, par vne mauuaise coustume deuient mauuais: celuy là mesme par la hantise & frequentation des bons, retourne en sa premiere bonté, & tout cela procede de la vertu de l'accoustumance, want my sur- and the care

Ce que considerant en moy-mesme, ie me suis apperceu de trois grands maux, qui se sont introduits de mon temps en Italie, par vne mauuaise accoustumance. Le premier est la flatterie, & les ceremonies de la Cour, Le deuxiesme, vne façon de viure, conforme à l'opinion du corps es de l'ame.

23 la doctrine deLuther; Le troisses, ou plustost monstres cruels de la vie humaine, ont banny de la vie ciuile toute sincerité, de nostre ame la religion, & de nos corps la santé.

C'est pourquoy ie me suis resolu de traitter du dernier, & monstrer que c'est vn vray abus, qu'il faut retrancher s'il est possible. Quant à ce qui touche l'heresse de Luther, & la flaterie des Courtisans, dans peu de temps quelque excellent esprit entreprendra de refuter l'vne, & de remedier à l'autre, & ainfi ie me promets auant que de mourir, de voir ces trois abus totalement oftez & dechassez, & l'Italie restituee en ses bones & anciennes mœurs

Donques, afin d'en venir au sujet dont nous voulons traitter: nous disuper la crapule est vne chose perces d' nicieuse, dautant qu'elle donne le code

coup de la mortà la sobrieté: & en] core que chacun recognoisse qu'elle tire son origine du peché de la gourmandise, & que la sobrieté soit fille de la vertu de temperance : neantmoins la crapule tient son rang maintenant entre les choses liberales & honnestes; & la sobrieté est appellee fordide, & digne de mépris. Et tout cela ne prouient que de la force de la coustume, que le goust & l'appetit sensuel ont mis au monde, qui ont tellement flatté & enyuré les hommes, qu'ayant quitté le bon chemin, ils ont prins le mauuais, qui les conduit à la dérobee à d'estranges & mortelles maladies, & a vne vieillesse precipitee, veu que n'ayas encore attaint l'aage de quarante ans, ils sonttous decrepits, & ont le pied sur le bord de la fosse, au lieu que la sobrieté, auant qu'elle fut chasse, conservoir les hommes en du corps es de l'ame. 141 bonne fanté, jusques à quatre vingts annees, & au de là.

O miserable & infortunce Italie nevoy tu pas que la crapule en fait Lelu mourir par chacun an plus que la festin peste ny la guerre? Que diray-je de tes festins veritablement deshons nestes qui font maintenant en viage, lesquels sont tellement excessifs & insupportables, que l'on ne peut faire des tables assez grandes, pour la multitude infinie des viandes dot elles sont chargees; tellement qu'il faut mettre plats sur plats, en forme de mont-joyes? Qui pourra viure parmy de si grands excez & poisons dommageables à la vie humaine? Pourquoy n'apportons-nous quelque regle en ce desordre? Car ie suis fort affeuré que cela deplaist grandement à la Majesté Diuine. Que ceste nouvelle mort soit chassee, ceste peste inouve du temps de nos

Majeurs, afin qu'elle ne cause plus tant de dommages aux esprits & aux corps. Et comme par authorité publique l'on donne ordre à faire les prouisions de viure : que ne met-on pareillemet vne police, pour retrancher les excez qui se commettent en l'vsage d'iceux, & pour empescher que les citoyens n'en reçoiuent tant de dommage en leur santé.

Il n'y a point faute de remedes familiers pour exterminer ceste crapule, dont chacun peut vser libremet en son particulier, sçauoir est; s'il veut viure selon la simplicité de nature, laquelle se contente de peu, fil garde la mediocrité d'une saincte temperance par l'ordonnance de la raison, s'il s'accoustume de ne point manger d'auantage que la necessité de la vie le requiert, tenant pour maxime, que l'outre-plus apporte desmaladies & la mort, &s'il

du corps & de l'ame. pense que le plaisir de la bouche est

de peu de durce, qu'il nuit grandes ment au corps, & qu'en fin il cause la ruine & du corps & de l'ame. L'ay veu plusieurs de mes amis qui auoiét l'esprit excellent, & qui estoient d'vn naturel robuste, qui sont morts en la fleur de leur aage; affaffinez par cefte intemperance, le fquels feruoient au monde d'ornement ; & donneroient du contentement à beaucoup s'ils estoient encores en vie. Partant afin d'obuier à tant de maux, ie me suis proposé par ce brief discours, de faire cognoistre clairement que l'intemperance est vn abus, lequel peut estre facilement osté, en metrant en la place la sobrieté. Ce que i'entreprendray plus volontiers, y ayant plusieurs enfans de bon entendement qui m'y ont obligé. Car quand ils ont veu leurs peres estre decedez en la fleur de leurs ans, & qu'à l'aage

de quatre-vingt syn an, i estois enco. re si sain & si robuste, il leur a prins enuie de pouvoir paruenir iusques là : & m'ont instamment prie de leur declarer comme je m'estois cor porté. Partant afin de leur fatisfaire & pour seruir à plusieurs autres qui desirent le semblable le leur feray le discours des raisons qui m'ont induit à quitter l'intemperance, & à suiure la sobrieté, racontant la façon dont ie me suis seruy, & le grand bien qui m'en estreuenu. le diray donques, que les infirmitez, qui auoient non seulement commencé à me trauailler, mais qui auoient ja grandement gaigné sur moy, ont esté cause que l'ay abandonné l'intemperance, à la quelle r'estois fort adonné: car parelle, & par ma mauaise habitude (avat l'estomach fort froid & fort humide) l'estois combé en diverses maladies, comme en vne douleur d'estomach,

du corps & de l'ame. 145 & de costé, le plus souuent ie commençois à estre trauaillé des goutes, & d'vne fievre presque continue ; & d'vne soif sans relasche. De ceste mauuaise disposition il ne me restoit autre chose à esperer que la mort, apres de longues & fascheuses douleurs encore que ma vie fui autant essoignee de son terme, par le cours ordinaire de la nature, comme elle en estoit proche par l'intemperance. Estat donques indisposé de ceste sorte, depuis trente cinq jusques à quas rante ans, apres auoir esprouué toutes sortes de remedes, sans aucun fruict; les Medecins iugerent qu'il y auoit encore vn remede à mes maux, si auois voloté de le pratiquer estroitement, & de le continuer auec parience, affauoir la fobrieté & regime de viure, laquelle a beaucoup de puissance pour le recouurement, & pour la conservation de la santé, come

146 me l'intemperance luy est grande. ment preiudiciable, ainsi que l'experience me l'auoit fait apprendre. Car la sobrieté conserue en santé ceux qui sont de mauuaile habitude, & en aage decrepite, & l'excez de la bouche terrasse ceux qui sont en l'Auril de leurs ans, & d'vne bonne & forte complexion, ce que melme la raison nous cófirme. Car les choses contraires ont des operations & des effets contraires, l'art corrige souvent les defaux de nature, les terres steriles & mauuaises, par les engrets & labours de son mai-Are sont réduës fertiles & fructueuses. Ils disoient d'abondant que si deslors ie n'vsois d'un tel remede, que peu de temps apres ie serois reduit à telle extremité, que ie ne pourrois plus estre fecouru, & qu'incontinent le perderois la vie. Après lesquelles raisons par moy entenduës, ayant en horreur vne mort si precipitee, & estant pressé de du corps & de l'ame.

douleurs continuelles, ie me laissay emporterà ceste persuasion, que de la temperance ou de l'intemperance, deuoient naistre ces contraires esfetsi & ayant pris courage, par vne bonne esperance, que ie conceuois de pou-uoir eschapper la mort, & de me voir deliuré de ces douleurs, ie sis resolution de me ranger sous les loix d'vn regime de viure.

Partantayant receu la regle que ie deuois garder, qui me defendoit de ne manger ny boire que des viandes & du vin qu'ils appellent des infirmes & encore en petite quantité, comme ils m'auoient ordonné auparauant: mais desirant alors tousiours viure à ma mode, & negligeant ce regime; i'vsois de viandes agreables amon goust, & quelques chaleurs internes qui me peussent trauailler, ie ne laissois de boire dautar & du meilleur, sans en dire aucun mor aux Me-

Ci

decins, comme d'ordinaire les malades ont coustume de saire: mais apres m'estre résolu de suiure la temperance & de me ranger à la raison, voyant qu'il n'y a nulle peine, & que c'est le vray devoir de l'homme, ieme suis tellement assubietty à ceste saçon de viure, que samais depuis ie ne me suis detraqué du droit chemin. Ainsi saisant, en peu de jours j'ay recogneu

que je receuois vn notable sonlagement, & en continuant telle maniere de vie en moins d'vn an, encore que ce soit chose incroyable à plusieurs je sus guary de toutes mes in-

firmitez de la sasiona de la santoe Estant retourné en conualescence, ie commençay à considerer la force de la temperance, & à m'arraisonner en ceste sorte : Si la sobrieré a eu tant de puissance, que de vaincre tant de maux dont i estois tourmété, & de me redonner ma santé, à plus sorte

du corps en de l'ame. 149 raison pourra-elle me la conseruer, corriger ma mauuaise habitude, & fortifier mo estomach debile. Deslors ie me mis à rechercher curieusement quelles viandes seroient conuenables à mon dessein, & celles qui y seroient contraires; & me deliberay de faire experience, si celles qui sont agreables au goust m'apporteroient ou de la commodité, ou de la nuisance: & si le prouerbe des bons compagnons estoit veritable; Que ce qui plaist au gouft, nous sert de nourriture en nous est profitable. Ce que i'ay trouvé notois rement faux, par l'espreuue que i'en ay faite: Car bien que les vins forts & le boire froid me pleussent grandement, comme aussi les melons & les fruicts, la sallade, le poisson, la chair de porc, les tortues, les legumes, la pasticerie, & choses semblables: neantmoins i'en sentois de l'incommodité. Partant ayant apprins à deuenir plus

fain par l'experience, ie quittay tout à fait toutes ces sortes de viandes . & les vins forts & le boire froid, viant d'vn vin delicat propre pour mon estomach , & en telle mesure qu'il pouvoit le digerer aisément. l'ay fait le semblable des viandes, & pour la qualité & pour la quantité, m'accoustumant de plus, de sortir tousiours de table auec mon appetit, encores que ie peusse boire & manger dauantage, m'accommodant à ce commun prouerbe: Que le vray regime de la santé, c'est de ne iamais se saouller de viandes.

M'estant ainsi retiré de toute intéperance, ie me suis attaché à la sobrieté, & à vne saçon de viure bien reglee, laquelle en premier lieu a sait les essets que ie viens de dire; sçauoir est, qu'en moins d'vn an ie sus deliuré de tous les maux, qui m'auoient si long-temps assiegé, & quis'estoient

du corps & de l'ame. rendus comme incurables: en apres ie ne suis plus tombé en maladie, come ie soulois par chacun an, quand ie faisois grand chere, & que ie viuois selon mon appetit. Partant deslors ie suis deuenu grandemet sain & dispos, & iusques à maintenant ma santé a tousiours continué, pour ne m'estre iamais depuis departy de ce train de vie, que l'ay entreprins d'obseruer le reste de mes iours : lequel par vne force merueilleuse, fait en sorte que le boire & le manger prins auec mesure conuenable, communique au corps sa vertu, & se descharge facilement de tout ce qui est superflu, & fans engendrer aucune humeur mauuaile.

Auec ce regime devie, ieme suis gardé de quelques autres choses qui me pouvoient sincommoder en ma santé: c'està sçauoir, d'vn chaleur trop grande, d'vne froidure excessive, d'vn

iii

1/2 trauail immoderé, de trop longues veilles, & de l'excez au comerce du mariage; ie me suis esloigné du mauuais air, ie me suis retiré des vents, & des ardeurs du Soleil. Car encores que la santé consiste principalement en vne certaine mesure du boire & du manger, toutes fois toutes ces choses que nous venons de dire ont leur force particuliere. Ie me suis aussi coserué à mon possible de haine, de melancolie, & des autres pertubations de l'esprit, qui ont vne grande puissance sur nos corps. Toutesfois ie n'ay peu cant faire par mes iournees, que ie n'aye esté atteint par quelques vnes : mais i'ay recogneu par experience, que toutes telles incommoditez ne peuuent beaucoup endommager les corps de ceux qui sont bien disposez, par vne moderation dont ils vsent en leur boire & manger. Tellement que le pourrois veri-

du corps on de l'ame. 153 tablement dire, que ceux qui en ces deux poincts observent vne mediocrité, ne peuuent pas estre grandement offensez par ces autres accidéts. Galien le nous confirme, quand il dit, Que les autres excez, comme les ardeurs vehemetes du Soleil, la froidure, les vets, Eles trauaux luy auoiet porte peu de nuisance; d'autant qu'il avoit esté tousiours fort sobre au boire & au manger, & que iamais il n'auoit esté trauaillé de telles incommoditez, qu'vn seul iour de sa vie qu'il demeura malade. Et qu'ainsi ne soit, ie l'ay recognu par l'experience quei'en ay faite moy-mesme, comme beaucoup de ceux qui sont de ma cognoissance le peuuent tesmoigner. Cari'ay souvent enduré des froidures, des chaleurs, & autres incommoditez du corps; i'ay pareillement receu de grandissimes afflictions d'esprit. Mais tous tels accidens ne m'ont gueres fait de prejudice, lesquels ont

Regime de viure 154 esté grandement dommageables à ceux qui ne viuoient sobrement comme moy. Car comme mon frere & quelques autres de mes plus proches me veirent attaqué par quelques personnages grandement puissans en vn procez de grande consequence, dont ils redoutoient l'euenement, ils se laisserent surprendre d'vne telle melancolie, en laquelle tombent volontiers ceux qui font des excez, qu'elle gaigna tellement sur eux, qu'elle leur auroit de beaucoup aduancé leurs iours. Et moy à qui l'affaire deuoit peser dauantage sur le cœur, ie n'en ay eu aucun ressentiment, dautant que telle humeur pour lors ne dominoit en moy: Mais qui plus est pour me donner courage, ie me persuadois que ce procez m'estoit arriué comme par vne diuine prouidence, afin de pouuoir remarquer quelle force la sobriete peut auoir sur nos corps &

fur nos elprus, & qu'en fin i'en aurois bonne issue, comme il est arrivé puis apres. Car ie gaignay mon procez auec beaucoup de gloire, & auec vn grand advantage pour ma famille: dont pour lors ie receu vne resiouyssance indicible, sans en ressentir en mon corps nulle incommodité. Et par ainsi il est tout manifeste, que la melancolie & les autres passions de l'esprit, ne peuuent causer aucun domage à ceux qui viuent sobrement.

le dis bien dauantage, que les contusions & les cheutes, qui causent aux autres de grandissimes maladies, & quelquesfois les mettent au danger de la mort, ne les incommodent que bien peu, & n'en reçoiuent qu'vne fort petite douleur; & de celai'en ay fait l'experience en l'âge de soixante dix ans. Car comme i'estois dans vn carrosse, que les cheuaux trainoient d'vne grande vitesse, il arriua qu'estat

versé ils coururent quelque temps. dont ie demeuré fort blessé en la teste & par tout le corps, & en eu pareillement vn bras & vne iambe démis. Et comme les Medecins m'eurent veu en si mauuais estat, ils concluret, que ie ne pouuois encores viure trois iours: neantmoins qu'en tout euenement l'on pouvoit vîer de deux remedes ; scauoir est, de l'ouverture de la veine, & de purgation, pour empescher l'abondance des humeurs, l'inflammation & la fievre, laquelle indubitablement deuoit aussi tost suruenir. Et moy tout au contraire, estat bien asseuré que le train d'vne vie si reglee que l'auois continué l'espace de tant d'annees, avoit si bien temperé & ordonné les humeurs de mon corps, qu'elles ne pouvoient estre beaucoup troublees ny esmeues, ou causer vne grande fluxion, ie rejettay I'vn & l'autre remede, & me contenté

du corps & de l'ame.

de me faire remettre le bras & la iambe, & de me faire frotter tout le corps auec des huilles conuenables à mon mal. Et ainsi, sans aucun autre remede ie me trouué guary, & sans nulle incommodité, dont les Medecins furent autant estonnez, comme de quelque miracle. Dont ie con? cluds, que ceux qui ayment à viure sobrement sentent peu de mal des autres incommoditez. 2 1 222011 b

Mais ie sçay pareillement par l'experience que i en ay faite, que ceux perience que i en ay faite, que ceux de qui de longue main le sont accoustumez à vn regime de vie, ne le peuvet ch quitter sans quelque grand inconue- fa nient. Il y a quatre ans (cari auois defja soixante dixhuict ans) quand par l'aduis des Medecins, & par l'importunité des miens, ie fus forcé de boire & de manger vn peu plus que de coustume, dont ils rendoient diuerses raisons, que la vieillesse ne pouvoit estre

sustentee en beuuant & mangeant's peu, & que ce n'estoit affez que la nature fut sustentee tellement quellement, mais que le boire & le manger deuoient donner au corps la force & la vigueur, & que cela ne le pouvoit faire que par ces deux movens. Mais pour mon regard i'insistois au contraire, que la nature estoit contente de peu, que ie m'estois conserué tant d'annees viuant de ceste sorte en bonne disposition, que ceste constume estoit tournee en nature, qu'il estoit plus à propos, que par l'accroissement des années, se diminuans les forces peu à peu, que la mesure du boire & du manger deuoit aussi estre plustost diminuee, que non pas augmentee, afin qu'il y eust quelque proportion entre l'agent & le patient, & que la force de l'estomach alloit tousiours en diminuant. Que les deux Prouerbes vsitez en Italie, nous confirment

du corps & de l'ame. 159 telle opinion. L'vn qui dit, Que qui veut manger long-temps, doit manger peu; voulant nous faire entédre, qu'en mangeant peu nous prolongeons nostre vie: & l'autre, Que la viande qui reste, profite dauantage à celuy qui n'en mange, que celle qui est mangee; qui veut autant à dire, que l'incommodité que nous receuons de boire & de manger par excez est plus grande, que n'est la commodité d'vn vsage moderé d'iceux. Mais il ne fut iamais en ma puissance de me pouuoir guarentir des importunitez assiduelles, dont i'estois asliegé. En fin pour ne me monstrer trop entier en mes opinions, & pour obliger mes amis, ie leur baillé les mains, & m'accorde à croistre mon ordinaire de deux onces. Car n'ayans auparauant par chacun iour que douze onces de toures viandes, comme de pain, de iaunes d'œufs, de chair & de menestre à iuste mesure, i'adiou-

ste deux onces qui faisoient quator. ze: & augmenté ma boisson qui n'estoit que de quatorze onces, iusques à seize. Dix iours a pres telle augmentation opera en moy, que de gaillard & bien dispos, ie deuins melancolique, & cholerique; Tellement que toutes choses m'estoient fascheuses, & que ie ne sçauois, ny ce que ie difois, ny ce que ie faisois. Le dixiesme iour il me vint yn mal de costé, qui me dura vingt deux heures, en apres vne fort violente fievre, qui me dura trente cinq iours, & autant de nuichs, encore qu'apres le quinzielme elle ayt tousiours diminué. Pendant ce temps ie n'eu iamais vn quart-d'heure de repos, d'où chacun me iugeoirà la mort. Neantmoins, graces à Dieu, ie me suis guary par ce seul regime de viure, encore que i eusse soixante dixhuict ans, que ce fut en la saison de l'Hyuer, durant vne grande froidure, & que

du corps en de l'ame. & que ie fusse extremement maigre. Et ie suis fort certain, qu'apres Dieu, rien autre chose ne m'a deliuré de la mort, que ceste reglee & exacte facon de vie que l'auois cotinuee tant d'annees, durant lequel temps ie n'auois iamais senty aucune indisposition qu'vn ou deux iours seulement. Car vne si longue temperance ayant consommé les malignes humeurs, empescha la naissance d'autres; & que les bonnes ne vinssent à se corrompre, ouà contracter quelque maligne qualité, comme il arriue d'ordinaire aux autres vieillards, qui viuent sans ce regime. Il n'yauoit nulle malignité és humeurs de mon corps ja vieil, laquelle a de coustume de faire mourir les autres. Mais la nouuelle humeur maligne dont ie viens de parler, introduite

par ce nouueau desordre, & ceste

maniere desreglee de vie, n'eust pas

162 Regime de viure le pouvoir, bien que la maladie fut tres griefue, de me faire mourir.

De toutes ces choses nous pouvos - clairement apperceuoir quelle puissance peut auoir le regime de viure, & la vie desreglee, la temperance dis-je, & l'intemperance, dont cellelà m'a conserué en sante par vn si long espace d'annees; & celle-cy, encores que l'excez par moy fait fut fort petit, en peu de temps m'a tellement abartu. Si le monde se maintient par vn ordre, si nostre vie dépend de l'armonie & proportion des humeurs & des elemens, il ne faut trouuer estrange, si nous deuons par vn ordre conseruer vne certaine regle au boire & au manger, & si elle est destruite & ruinee par vn desordre & desreglement. L'ordre rend les disciplines plus faciles, il fait que les armees emportent les victoires, il retient les Royaumes, les villes, & du corps & de l'ame.

les familles en paix & en concorde, & les y affermit : D'où ie viens à conclure, que la vie reglee est vn certain moyen & fondement d'vne vie saine & longue, & la vraye & feule medecine de plusieurs maux. Et personne ne sçauroit maintenir le contraire, pourueu qu'il y ait prins garde exactement. C'est pourquoy le Medecin qui visite vn malade, luy ordonne celle premiere medecine, de manger & de boire auec certaine moderation, & quandil est reuenu à coualescence, il luy recommande le semblable, fil desire conseruer sa fanté. Et est sans doute, que s'il gardoit ceste regle de vie, qu'il seroit à l'aduenir exempt de maladie, d'autant qu'elle en retrancheroit toute cause, & ainsi il n'auroit besoin ny de Medecins, ny de medicamens. Et de plus, s'il vouloit s'estudier à ce qui luy fait besoin, il se rendroit excel-

lent, voire tres-parfait Medecin. Car en effet nul ne peut estre parfait medecin pour les autres, comme pour soy-mesme. Et la raison est, que chacun peut par diuerses experiences cognoistre la condition de sa nature, & ses proprietez occultes, quelles viandes, quelle boisson, & quelle mesure luy est couenable. Ce que nous ne pouuós pas bonnement remarquer aux autres: d'autat qu'vne longue experience & vne fort exacte observation est requise en ce cas, laquelle nous ne pouuons aisément faire enuers les autres; y ayant plus de diuersitez de temperamens, que de visages. Qui est-ce qui croira que le vinvieil me nuit à l'estomach, & que le nouueau m'y profite, & que le poiure m'eschausse moins que la cannelle ? Qui est le Medecin qui eust peu me descouurir ces occultes proprietez, si par vne longue

du corps & de l'ame.

165 experience à peine ay-ie peu les recognoistre ? Partant nous ne pouuons estre parfaits Medecins des autres, comme de nous mesmes: & puisque l'homme n'a point de meil-

leur Medecin que soy-mesme, ny de meilleur medicament que la sobrieté, c'est chose fort pertaine qu'il nous

la faut totalement embrasser. Toutesfois ie ne veux maintenir que les medecins ne soient point necessaires, & qu'il ne nous en faille faire beaucoup d'estat, pour cognoistre & guarir les maladies, esquelles font sujets d'ordinaire ceux qui ne gardent point de regle en leur maniere de viure. Car si l'amy qui te vi-

fite seulement en ta maladie, qui te console par ses discours, & a compassion de ta douleur, te fait vn plaisir singulier ? combien le Medecin doit-il estre en plus grande estime,

qui comme amy te visite afin de te

Regime de viure 166 foulager, & comme Medecin or donne des remedes & te promet la guarifon? Mais pour la conservation de nostre santé, ie suis d'auis qu'au lieu de Medecin, nous ayons recours au regime de viure; lequel, comme l'experience nous l'enseigne, est vne medecine naturelle qui nous est fort conuenable : d'autant qu'elle conserue en bonne santé les corps mal habituez, & les fait viure iusques à cent ans & au delà, & qu'en fin ils fi-

nissent leurs iours sans le sentiment d'aucunes douleurs violétes, par vne simple dissipation de l'humeur radicale, tout ainsi que le feu d'vne lam-

pe qui s'esteint faute d'huille. Plusieurs ont estimé que cela se pouvoit faire par le moyen de l'or potable, & par la pierre philosophale recherchee si curieusement par vn nombre infiny d'abusez, & qui n'a encores esté trouuee par aucun : mais tout

du corps & de l'ame. 167 cela ne profite de rien, sans vne vie reglee.

Les hommes sensuels & intemperans qui sont en grand nombre, voulans rassasser leurs appetits, & faire grande chere, ores qu'ils recognoissent le mauuais traitement qu'ils recoiuent de l'intemperance, fuyent neantmoins la sobrieté, daurat qu'ils disent; Qu'il vaut mieux ne viure que dix ans selon son appetit, que de retenir Forcer la nature a Biduellement. Mais ils ne considerent pas de quelle importance sont dix annees en pleine fanté, lors que nous sommes en vn âge meur, où la prudence & la sagesse, comme aussi toutes autres vertus, sont paruenues au degré de perfection. Qu'ainsi ne soit, tous les liures que nous auons; dont nous faifons beaucoup d'estat pour la singuliere doctrine dont ils sont remplis, n'ont-ils pas esté composez par leurs

Autheurs en cet âge de maturité, dot ceux adonnez aux plaisirs de leur bouche ne tiennent aucun compte?

Ils disent d'abondant, que le regi-6- me de viure est si difficile, qu'il ne se e peut garder. A quoy ie responds, que Galien s'y est assujerty, & qu'il s'en est seruy comme d'vne medecine finguliere. Que Platon, Isocrate, Ciceron & plusieurs autres des Anciens onr fair le semblable, & de nostre temps Paul 3. le Cardinal Bembe, & de nos Ducs Lande & Donat, & plusieurs autres de moindre condition, non seulement en la ville, mais aussi en la campagne. Que si par le passé beaucoup ont obserué ceste fobrieté, & que grand nombre d'hómes la gardent encores de present, ce n'est point chose que tous ne puissent executer, principalemet n'estant besoin de beaucoup de choses fort exquises, & qu'il ne faut seuledu corps & de l'ame. 169 ment que commencer, & s'y accouflumer tout doucement.

Et n'importe que Platon maintiene que ceux quiviuent dans le tracas des affaires publiques ne peuuent pas se ranger à ceste vie reglee, dautant que plus souvent que tous les iours, il leur faut endurer le chaud, le froid, le vent, la pluye, la neige, & mille autres incommoditez, qui ne l'accordent pas bien à telle façon de viure: Mais ie soustiens que tels inconueniens ne peuuent beaucoup nuire, si vous vsez de sobriete en vos repas, qui est vn remede facile & grandement conuenable, lequel se peut aisément pratiquer par ceux qui sont occupez pour le public, tant pour l'exempter des maladies, qui peuuent empescher les fonctions publiques, comme aufsi pour auoir l'esprit plus vigoureux aux affaires qui se presentent.

Quelques autres objectent, que celuy qui vit reglément, n'vsant que de viandes propres pour des malades, & en petite quantité, se trouuera bien empesché quand quelque maladie le viendra assaillir, & qu'en plaine santé par airicipation s'estant mis à la diete, il ne sçaura que faire

puis apres.

Ie leur responds en premier lieu, que la nature qui s'efforce de conseruer l'homme autant qu'elle peut, nous enseigne comment nous deuons nous gouverner en maladie: car incontinent elle nous oste l'appetit, afin que nous ne mangeons que bien peu, pource qu'elle se contente de peu. Tellement que le malade, soit qu'auparavant il sut sobre ou non, alors qu'il est malade, il ne doit vser

d'autres viandes, que de celles qui font propres aux malades, & beaucoup moins que quand il estoit en du corps & de l'ame. 171 fanté: car fil vouloit manger autant qu'auparauant, il accableroit la nature, qui est ja chargee, & affoiblie

par la maladie.

En second lieu, ie dits que celuy qui est sobre, ne peut tomber malade que rarement, & qu'il n'est indisposé que bien peu de temps, dautant que le regime de viure a osté la cause du mal, & que la cause du mal estát ostee, il est necessaire que l'esset, qui est la maladie cesse pareillement.

Partant puisque le regime de viure est tellement veise, louable & excellent, il merite d'estre embrassé de gratout le monde; notament pour estre si facile, & tellement propre au naturel de l'homme. Car il n'est pas necessaire que celuy qui veut mener une vie sobre, boine mange aussi peu que ie faits, ie ne luy deconseille pas l'usage des fruits, du poisson est d'autres choses, dont

ie ne mange point. Si ie mange peu, cela suffit pour mon estomach, qui est petit & debile; Iem'abstiens des fruits, du pois. Son, & autres pareilles viandes, dautant qu'elles me sont nuisibles : Mais ceux qui l'en trouuet bien, peuuet, voire mesme en doiuent vser : mais il se faut bien garder d'en prendre d'auantage que l'estomach n'en peut dige-

rer, fussent-elles les meilleures du monde. Tellement que celuy qui n'est nullement incommodé pour viande, & pour boisson qu'il puisse prendre, il doit farrester à la regle de la quantité, & non de la qualité, ce

qui n'est que trop facile. Que personne ne me vienne dire per qu'il y en a beaucoup qui viuét lonfai- guement, mesme iusques à vne ex-

ouf treme vieillesse, encores qu'ils viuét rad desreglement: dautant qu'encores que cela soit incertain, perilleux, & que rarement il arriue, tel exemple du corps & de l'ame.

ne nous doit asseurer pour nous induire à faire le semblable. Ce n'est pas vne action de prudence de l'exposer aux dangers, & aux incommoditez de tant de maladies, & de la mort, par l'esperance d'vn heureux succez, qui arriue à si peu de personnes. Le vieillard qui vid sobrement est plus asseuré de la vie, encore qu'il ne soit d'une complexion robuste, qu'yn ieune homme grandement fort, qui vit sans aucune regle: mais celuy qui est d'vn bon temperamét, fans doute peut viure plus longuement, que celuy qui est mal compo-sé, pourueu qu'il viue auec quelque regle. Il peut arriuer quelquesfois, que quelqu'vn soit d'vn temperament si bon & si robuste, que sans vne observation si exacte d'vn regime de vie, il viue vn grand nombre d'annees, & qu'il ne meure qu'en extreme vieillesse, par vne pure refolution: comme à Venise, arriua à Thomas Contareno Procureur, & à Padoüe à Anthoine Capodi Vacca: mais à peine s'en pourra-il trouuer vn entre cent mille. En sorte qu'en l'esgard des autres, si quelqu'vn d'entr'eux desire viure en santé; & mourir sans aucune douleur & incommodité, il faut qu'il viue sobrement. Car par ce moyen & non autrement,

bre,& grandement estimables.

o. Premierement, dautant qu'elle state que les humeurs du corps sont pures & benignes, & que par ainsi nulles sumees ne montent du ventricule au cerucaus Et de là s'ensuit que le cerucau est aussi pur & net que la glace d'vn mirouer, & que l'estimables.

prit en toutes ses fonctions en est plus vigoureux. Tellement que plus aisémet il sesseue de la cossideration

il peut iouir des fruits de ceste vie, qui sont singuliers, en grand nom-

du corps & de l'ame. des choses basses & terriennes, à celles qui sont celestes & diuines, & descouure beaucoup de secrets, ausquels il n'eust iamais pensé; sçauoir est, combien la puissance de Dieu est grande, sa sagesse & sa bonté pareillement. De là il descend à la nature du corps, qu'il recognoist estre vn ouurage diuin. Il voit & touche de la main, ce qu'en vn autre aage, & ayant le cerueau moins purgé, il n'eust iamais peu ny voir, ny comprendre. Alors il apperçoit la turpitude du vice, en laquelle tombe celuy qui ne peut dompter ses passiós; Il remarque alors ces trois affections desordonnees qui nous accompagnent dés le commencement de no-Ître aage, sçauoir du plaisir de la chair, des honneurs & des richesses, qui ont accoustumé de croistre és vieilles gens, lesquelles celuy-là sçait temperer, & retenir fort facilement, 176 Regime de viure

qui de longue main s'est laissé conduire par la raison, sans se laisser emporter à ses appetits, en sorte qu'il n'en est pas beaucoup molesté ny trauaillé. En apres, alors qu'il se void proche de la fin de sa vie, & que la nature est preste à se resoudre, il n'en conçoit aucune tristesse: d'autat que sçachant bien qu'il a par la grace de Dieu suiuy la vertu, & delaissé le vice, il espere par les merites de Iesus-Christ nostre Redempteur, de mourir en sa grace, & d'auoir vn iour la iouyssance de la vie eternelle. D'ailleurs qu'il se void paruenu à vn âge où peu de gens n'ont peu attaindre, & que la mort fait ses aproches sans violence, & ne le prendà l'impourueu auec de griefues douleurs: mais elle le vient trouuer à pas comptez, par la seule consomption de l'humeur radicale, ny plus ny moins que l'huille d'yne lampe qui diminuë peuà du corps & de l'ame.

177
peu à peu, tellement qu'il passe doucement & sans le sentiment d'aucune douleur de ceste vie temporelle
& mortelle, à vne celeste & eternelle.

O saincte sobrieré, combien estes vous fortunee, & à bon droit honoree de plusieurs. O vie desreglee, cobien estes-vous miserable & detestable, qui remplissez le monde de tant de maux. Que ces paroles sont douces & amiables, vne vie bien reglee, la sobrieté & la temperance : comme au cotraire ces paroles ne resonnent que saleté, vne vie desordonnee, la crapule, & l'intemperance: & y a pareille difference des vnes d'auec les autres, que d'vn Angea vn diable. In phononical and

Iusques à present l'ay exposé les raisons pour lesquelles ie me suis exempté de l'intemperance, & me suis adonné à la sobrieré, les regles que l'ay gardees, ce qui delà m'en se-

M

178 Regime de viure roit arriué, & les commoditez qu'en

reçoiuent ceux qui la suiuent.

Mais quelques hommes sensuels. & qui ne l'approchent gueres de la raison, obiectent que nous ne deuos souhaiter vne si longue vie: d'autant qu'apres soixante ans la vie ne peut plus estre appellee viuante, mais plustost vne morte vie. Mais ceux-là se trompent lourdement, comme ie feray maintenat dognoistre par moy-mesme, faisant vn fidelle rapport des passe-temps & des plaisirs que ie reçoy en l'âge de 83, ans, qui sont tels que chacun m'estime bien-heureux. Je suis tousiours en bone disposition, & suis tellemet agile que facilement ie monte à cheual sans aucun aduantage, & ie monte des escaliers & des montagnes fort hautes. D'abondant ie suis tousiours alaigre, gaillard & fort content, libre de tous troubles, & de toutes fascheries d'esprit, au

du corps & de l'ame.

lieu desquels la resiouyssance & la paix ont estably en mon cœur domicile irreuocable. Ie n'ay point de regret à ma vie que ie passe auec vn grandissime contentement. Souuent l'offre l'occasson de conferer auec d'excellens personnages, qui sont recommandables à cause de leur bel esprit, pour leur probité, pour leur doctrine & autres vertus.

Si cela me manque quelquesfois, ie me mets à lecture de quelque bon Liure: & puis apres ie m'occupe à efcrire, recherchant principalement de tout mon possible ce qui pourra seruir aux autres. Ie faits tout cela sans nullement m'incommoder, & en vn temps opportun, & es maisons qui m'appartiennent, lesquelles outre qu'elles sont situees en bel endroit, és enuirons de ceste ville de Padouë remplie de gens de lettres, elles sont grandement belles, & aussi

M

180 Regime de viure

comodes que nulle autre de ce téps; fi bien basties selon les regles de l'Architecture, qu'elles sont aussi pro-pres pour l'Esté, que pour l'Hyuer. le prends aussi mon passe-temps en la diuersité de mes iardins, entourez de ruisseaux d'eaux courantes, où certes ie trouue vn fingulier plaisir Quelques mois de l'année ie faits mon habitatió és collines d'Eugane, auquel lieu l'ay des iardins, des fontaines & vne maison fort commode. Te me retire quelque remps en vne mienne mestairie situee en plaine campagne, qui est aufli tresbelle: où il y a plusieurs allees si bien disposees qu'elles vont toutes rendre au milieu d'vne grande place, au beau mitan de laquelle -ily avnel glife affez honorable pour la condition du lieu : au trauers coule la riulere de Brente, & y a de costé & d'autre des terres fertiles & bien du corps & de l'ame.

cultiuees, ornees de diuerses maisons, tout autrement que les lieux

n'estoient par le passé: d'autant que ce n'estoient que marescages, plus propres pour les bestes que pour les hommes. Mais i en ay tiré les eaux, i'ay deseiché la terre, & l'air est deuenu plus falubre, & plusieurs y sone venus de diuers endroits . & y ont basty des maisons, & s'y sont habituez auec heureux euenement. Et par ce moyen le lieu est paruenu en l'estat auquel il se void à present, y ayant grand nombre d'habitas. Tellement que ie puis véritablement dire, que i'ay donné à Dieu vn Temple & vn Autel, & des ames qui l'adorent; & quand cela me reuient en la souuenance, i'en reçoy vn indicible contentement. Ie vay me pourmener par chacun an en quelqu'vne

des citez voisines, afin de voir mes amis & communiquer auec eux, & 182 Regime de viure d'abondant pour conferer auec tant

d'excellens ouuriers en l'Architecture, peinture, sculpture, musique & agriculture, dont maintenantils en trouue vn grand nombre. Ie contemple leurs ouurages, i'en faits la conference auec ceux des anciens, & tousiours l'apprens quelque chose, que ie suis bien ayse d'auoir apprins. Ie visite les palais, les iardinages, & m'amuse à voir les antiquitez, les places publiques, les temples, les munitions, & ne laisse rien arriere, où ie puisse remarquer quelque chose qui me puisse profiter, ou donner quelque plaisir. Ie me plais grandement aussi allant & venant , considerant la beauté des lieux & leur situation; aucuns desquels sont en plaine campagne, & les autres en des valons en

prochimité de fleuues & de fontaines, embellis de iardins & de riches bastimens. Et ce plaisir ne samoindu corps & de l'ame. 18

drit par l'obtusion de mes sens, car ils sont tous en parfaitevigueur, & fur tous celuy du goust: Tellement que la viande commune m'est plus agreable en quelque lieu que ie me rencontre, que jadis les plus frians morceaux, quand ie viuois parmy la bonne chere & les déreglemens. Le changement d'habitation ne m'importune point, en quelque lieu que ce soit ie m'endors à mon ayse, ie repose doucement, & mes songes sont plaifans & agreables. Mais ie me done vn grand contentement entr'autres choses, de ce que mon entreprinse a si bien réussi au profit de ceste Republique, & que tant de terres qui auparauant estoient vaines & vagues, soient maintenant en labour parmon entremise & bon aduis. l'ay esté l'vn des deputez pour la condui-

te & direction de cet ouurage, & demeuré deux mois entiers aux plus 184 Regime de viure grandes chaleurs de l'Esté dans ces marescages, sans me sentir d'aucune incommodité, tant est grande la for-

ce & l'efficace de la fobrieté, laquelle m'accompagne par tout & en tous lieux. De plus nous esperons de voir paracheuer & accomplir vne autre entreprinse qui n'est pas de moindre consequence, pour conseruer nostre

consequence, pour conseruer nostre canal, qui est vn fort & admirable rempart de nostre chere patrie, pour conseruer lequel i'en ay fait maintes ouuertures, & doné diuers moyens, tant de viue voix que par escrit. Voila

les diuertissemens & les plaisirs de ma vieillesse, laquelle est preferable en tout & par tout à laieunesse, & à la vieillesse d'vn autre: d'autant que par la sobrieté, auec la grace de Dieu, ma ieunesse estant exempte de tou-

par la sobrieté, auec la grace de Dieu, ma ieunesse estant exempte de toutes perturbations de l'esprit & maladies du corps, elle n'a aucun ressentiment des incommoditez dont vne

du corps en de l'ame. 185 infinité de ieunes gens & vieillards languissans sont miserablement asfaillis. Mais l'on pourra aisément coprendre combié ie suis sain de corps & d'entendement : en ce qu'ayant attaint 83. annees i'aurois composé vne tres-gentile Comedie pleine de de mots nouveaux & de gallenteries; & que telle espece de Poëme est vn ouurage de ieunes gens, aufquels la diuersité & la plaisanterie sont plus sortables : comme la Tragedie est plus couenable aux vieillards, à cause de la grauité & des tristes euenemés qu'elle se propose. Si maintenant nous donnons des louanges à ce Poëte Grec, qui à l'âge de 73. ans coposa vne Tragedie, & pour ce fut iugé sain d'esprit & bien aduisé: Pourquoy seray-je estimé moins heureux, & de iugement plus foible, ayant fait vne Comedie plus âgé qu'il n'estoit

de dix ans? Et afin que rien ne man-

186 que aux contentemens de mon vieil âge, i'ay tousiours deuant les yeux comme vn certain objet de l'immortalité en la succession de ma posterité. Car quand ie retourne chez moy, ie trouue vnze garçós, tous d'vn mesme pere & d'vne mesme mere, & tous en bonne disposition, autant qu'il se peut conjecturer, esgalement tres-idoines aux bonnes mœurs & aux lettres, & qui y sont grandement adonnez. Ie prens de la resiouyssance à les ouyr chanter, & le plus souuent ie me mets à chanter auec eux, dautant que maintenant i'ay la voix plus claire & mieux accordante que iamais auparauant.

Desquelles choses appert, que la vie que ie meine en cet âge n'est point vne vie morte, ennuyeuse & fascheuse, mais vne vie qui est viue, agreable & ioyeuse. Et fil estoit à mon option, ie nevoudrois pas chadu corps & de l'ame.

ger mon âge, & la disposition de mó corps, auec la ieunesse de ceux qui suiuent leurs appetits, encores qu'ils soient d'vn bon temperament & d'vne robuste complexion : d'autat que plus souuent que tous les iours ils font exposez à mille maladies & dangers de la mort, comme la commune experience le nous enseigne, & comme en ma ieunesse i'en ay fait l'expreuue en ma propre personne. Ie sçay combien cet âge est inconsideré, combien il est outrageux à cause de l'abondance de la chaleur, combien il se fie en soy-mesme en toute chose par vne vaine esperance, tant à cause du defaut d'experience, que pour ce que les ieunes gens l'estimét forts & robustes en tout & par tout: De là nous les voyons se hazarder à toutes sortes de perils, mettre la raison bas , liurer l'empire d'icelle és mains de la cocupiscence, & ne pour188 Regime de viure

chasser qu'à sarisfaire à leurs sales de sirs, sans s'aduiser miserables qu'ils sont, qu'ainsi faisant ils procurent beaucoup de maladies, & souvent vne mort auant le temps. Desquels maux, I'vn est fascheux à supporter, l'autre est intolerable & grandemet redoutable. Car la mort paroist insupportable à tous ceux qui sont esclaues de leurs sensualitez, & sur tout aux ieunes, aufquels il semble que c'est vn mal extreme que de mourir auant l'aage. Et la mesme mort est aussi tres-espouuentable à ceux qui viennent à cossiderer les fautes qu'ils ont commises en ceste vie mortelle, & la vengeance de la diuine Iustice en vne eternité de peines.

Mais quant à moy tout au contraire, ie suis exépt de l'vn & de l'autre de ces maux, & de la crainte des maladies, dautant que ie suis asseuré que ie n'y sçaurois tomber aysémét, du corps & de l'ame. 189 ayant retranche les causes d'icelle par la medecine de la sobrieté, & des fascheux soucis de la mort, dautant que i'ay apprins par vn si long vsage d'annees de donner place à la raison. Tel-

nees de donner place à la raison. Tellement qu'il me semble qu'il n'est pas seulement deshonneste de redouter ce qui ne se peut euiter, mais i espere aussi que quand i'en seray venuà ce poinct, que ie ne receuray pas auffi vne petite consolation. De plus, ma fin est encores fort esloignee; car ie suis tout asseuré, que sans quelque cas fortuit, que ie ne mourray iamais que par vne pure resolution : dautant que ma sobrieté a bouché à la mort toutes les autres aduenues. Belle & desirable mort que la nature apporte par la voye de ceste resolution. Car comme la nature a noué le nœud de nostre vie, elle trouue le moyen plus aysément de le desnouer, & nous donne de plus longues trefues pour le faire

Regime de viure 190 plus doucement. Telle mort n'arrive pas qu'apres vn long espace d'annees. & par vne grandissime debilité. Car en fin les hommes en viennent là apres vn long espace de temps, qu'ils ne peuuent plus cheminer, & ne peuuent plus ratiociner que difficilemet, &deviennét aueugles, fourds & courbez, desquelles infirmitezie me voy graces à Dieu encores fort loing: & ie me persuade que mon ame, laquelle durant le sejour qu'elle a fait en mon corps, n'a trouué que paix & concorde, soit entre les humeurs, soit entre les sens & la raison, qu'elle ne fera pas la retraite bien aisément, & qu'il faudra beaucoup d'annees pour l'en faire soriir. D'où il me semble que ie peux inferer asseurément, que ie viuray encores longuement auec vne heureuse santé, iouyssant de l'aspect de cemonde & de sa beauté, esperant quelque iour, par la grace de Dieu, du corps on de l'ame.

191viure aussi bien-heureux en l'autre, &
ce par le moyen de la vertu, & par ceste sassubietty, me rendant amy de la
raison, & ennemy de mes sens & de
mon appetit. Ce qui est aysé à faire à

mon appetit. Ce qui est aysé à faire à qui que ce soit, qui veut viure comme l'homme vertueux doit faire.

Ores puisque la sobrieté est chose tant heureuse, vne voye si delectable.

vne possession si facile à acquerir, & dont la conservation est si vtile: Il ne me reste maintenant qu'à exhorter & conjurer de tout mon cœur ceux en general qui ont quelque entendement d'embrasser à bras ouverts ce riche tresor de nostre vie, lequel comme il surpasse tous les autres de ce monde, nous donnant vne vie longue & saine, aussi est-il tres digne d'e-

tous. Ce thresor, dis-je, est la saincte so-

fire aymé, recherché & possedé de

192 Regime de viure

brieré, agreable à Dieu, amie de la nature, fille de la raison, sœur de la vertu, compagne de la vie temperee, modeste, noble, belle, contente de peu, reglee, & louable en toutes ses fonctions.

D'elle comme d'vne racine naist la vie, la santé, l'alegresse, les estudes des choses honnestes, & toutes les actions dignes d'vn esprit bien moriginé & copole, & les loix diuines & humaines luy font fauorables. La repletion, la faturité, la crapule, les humeurs superflues, les vapeurs nuisibles, les intemperies, les fievres, les douleurs, les ennuys, & les perils de la mort l'enfuyet deuant elle, comme les petits nuages deuant le Soleil. Par sa beauté elle attire les esprits genereux. Elle promet à tous la conservation d'vne douce & longue vie. Par la facilité dont elle est accompagnee, elle inuite chacunà obtenir des victoires sans beaucoup

du corps & de l'ame. de trauail. Finalement elle promet qu'elle sera benigne conseruatrice de la vie tant du riche que du pauure, de l'homme comme de la femme, du vieil comme du ieune. Elle enseigne la modestie au riche, le bon mesnage au pauure, au mary la continence, à la femme la pudicité, au vieil le moyen de se deffendre de la mort, au ieune comment il doit rendre sa vie plus asseuree. La sobrieté purge les sens, rend le corps agile, l'entendement vif, l'esprit prompt, la memoire bonne, les mouuemens souples, les actions faciles. Par elle l'ame comme deschargee du fardeau de la terre, jouyt de sa pleine liberté, les esprits passent doucement par les arteres, le sang est doucement espandu par les veines, & la chaleur douce & temperee produit des effets de la mesme qualité. En fin nos puissances par vn ordre Regime de viure resbeau conseruent vne tres-agreable harmonie.

O tres saince & tres-innocente sobrieré, l'vnique confort de la nature, benigne mere de la vie humaine, la vraye medecine tant du corps que de l'ame: combien les humains te doiuent-ils rendre de louanges, combien te doiuent-ils porter d'affection? dautant qu'elle te donne le moyen par lequel tu peux contregarder le souuerain bien de ce monde, qui est la vie & la santé. Que tes biens fussent ils recognus comme ils doiuent, par ceux qui adonnez à la vie saincte & spirituelle, vaquentà la contemplation & à l'oraison dedans les Monasteres. Combien & eux & leurs actions seroient plus agreables à Dieu, l'ils se mettoient totalement à la suiure. Combien le monde & l'Eglise de Iesus Christ en receuroient ils d'honneur? Caren

terre ils seroient estimez comme vrays peres de saincteré, comme ladis les anciens Hermites , les Religieux & les Euesques, qui auec la vie Spirituelle observoient pareillement ceste sobrieté. Et comme eux gardans ceste regle devie ont vescu plus de cent ans , & fait divers miracles; ainsi ceux cy en pourroient faire autant, suiuans vn mesme guide. D'abondant, ils seroient sains, contens, alaigres, où pour la pluspart ils sont galeux, melancoliques, inquietes, & non contens de leur condition; Et dautant qu'aucuns disent, que Dieu leur enuoje telles infirmitez pour exercer leur patience, & afin qu'ils fassent penitence de leurs pechez, l'estime qu'ils se tropent; dautant que ie ne sçaurois me persuader qu'il vueille que l'home, qui est l'ouurage&l'image de Dieu, qu'il ayme si tendremét, viue infirme, melacolique & mal co-

Regime de viure 196 tent; mais plustost qu'il luy plaist qu'il viue sain & bien dispos. Car ainsi viuoiet les sainces Peres, & ainsi ils seruoient mieux à Dieu, vaquant à l'oraison & aux bonnes œuures. O que le monde seroit heureux, si en ce temps nous auions de tels Religieux. Car maintenat il ya beaucoup plus de Religions & de Monasteres qu'il n'y auoit par le passé, esquels si les regles de la sobrieré estoient estroitement gardees, il y auroit vn grand nombre de venerables vieillards eminents en saincteté & doctrine, lesquels le mode admireroit. Et partant ce ne seroit pas contreuenir aux statuts de l'ordre & regle de vie, que la Religion & le Monastere ordonne, mais ce seroit la rendre plus parfaite. Car il est permis en tous les Monasteres de se nourrir de pain & de vin, mager des œufs quelquesfois, & en quelques-vns l'on vse

du corps & de l'ame. de viandes. Et de plus, il y a diuersité de potages, de salades, des fruicts, des œufs en diuerses façons, lesquelles viandes souuent leur sont dommageables, & en font mourir aucuns : mais ils en vsent d'autant que les statuts de l'ordre le permettent, pensans qu'ils commettroient quelque peché s'il en restoit quelque chole. Mais tant's en faut qu'il y eust quelque offense, qu'au contraire ils feroient vn grand bien, si ayans passé l'age de trente ans, ils venoient à quitter tout cela, & commençoient à viure de pain & de vin, auec vne panade faire de pain & d'œufs. Voila le vray remede pour conseruer l'hóme de mauuaises humeurs, & d'vne maligne habitude : encore telle façon de viure est beaucoup plus libre, que celle des Peres anciens qui viuoient dans les deserts, qui se nour-

rissoient seulement de fruicts sauua-

Regime de viure 198

ges & de racines d'herbes, & ne beu uoient que de l'eau: & neantmoins ils viuoient longuement sains, gaillards & bien contens. Le mesme arriueroit aux religieux de nostre téps, lesquels par ce moyen paruiendroiet au Ciel plus ay sémét, lequel est tousiours ouvert à tout fidelle Chrestien, apres que nostre Seigneur en à fait l'ouverture, par l'effusió de son sang precieux pour la redemption du genre humain.

le pourrois mettre en auat beaucoup d'autres choses en la recommãdation de la sobrieté: mais dautant que mon dessein n'est pas d'en faire vn panegyric, ie feray fin à ce dîlcours, afin de paroistre sobre pareillement en ce Traitté, remettant le

reste en autre occasion.

TABLE DES MATIERES CONTENVES au premier traiché de ce liure.

Ve le Theologien peut traicter de la medecine. p. 7. nomb. 4. Qu'est-ce que la sobrece. pag. 10. n. 5. que la mesure du bune & du manger doit estre disferente. p. 11. n. 6. quelle mesure conuient à chacun. en la messor page.

the lame for consistent à chacum.

The grail faut faire pour trouuer ceste mesure,

10 qu'il faut faire pour trouuer ceste mesure,

10 no doit changer la mesure ordinaire.

10 de no.

si l'on doit changer la mesure ordinaire. p. 46. n.21 i'il doit manger vne ou deux fois le iour. p. 49. n.22 Autre expedient pour la conservation de la santé. p. 88 n.27

Commodutez de la sobrieté. p.61 .n.29
qu'elle guarit nos maladies. p.62.n.29

Que la crudité est mere des maladies. p 66.n.31 La sanée consiste en deux pointes p.70.au mesme nombre. La sobrieté nous fortisse contre les causes externes. p.72.n.32

La sobrieté nous fortifice ontre les causes externes. p.72.n.33 Qu'elle amoindrit les maladies incurables. p.47.n.34 Qu'elle prolonge la vie. pag.75.n.35

Pourquoy les homicides, blasphemaseurs & luxurieux ne sont pas de longue vie. p.81 n.37 Que ceux qui viuent sobrement meurent sans aucune douleur. pag 87. n.40.

oue la fobrieté rend le corps agile. Les commoditez que l'esprit reçoit de la fobrieté, p. 92.n.42 Ou elle donne vigueur à tous les sens en mesme page & autres sui-

un eue aonne vigueur a tous us sens en mesme page & aurres suruantes.

p.95.n.46

Qu'elle conserue la memoire. p.104.n.49 Qu'elle conserue l'entendement en sa force & vigueur, p.109.n.51 Combien l'on doit faire d'essime des fruits de la sobriesé.

p.116.2.55. Qu'elle emousse les esguillons de la chair. p.120.2.57

Que l'appetit nous trompe. p.123.n.59

Les incommodite 7 de la bouche.

TABLE DES MATIERES DV II.

A force de l'accoustumance. P.137.n.1
p.138.n.2
Crapule est un excez ou intemperance au boire & au manger.

p.139.n3 Luxe des festins. p.141.n..

Raisons qui ont fait que l'autheur s'est range à la sobrieté. p.144.n. 6.

Que c'est chose dangereuse de quister le regime de viure que l'on a

accoustumé.

Que la sobrieté est une finguliere medecine pour les maladies.

p.162 n.13.

Que les medecines sont necessaires. p.16; n.14
Pourquoy les Volaptueux fayent la sobrieté. p.167.n.15

Que dix annees en l'aage viril sont d'une grande importance.

p.167.n.15.

Que la sobrieté n'est pas chose difficile. p.168.n.16
Qu'il faut embrasser la sobrieté. p.171.n.18

Qu'il faut embrasser la sobrieté.
Que ceux qui viuent dissolument, peu souvent paruiennent à la

vicillese. p.172.n.19
Est de la sobrieté. p.174.n.20
Louanze de la sobrieté. p.177.n.21

Louange de la Johriete.

P.177.n.21

Que la vieillesse à beaucoup de passe-temps.

P.178.n.22

Que la vic sobre du vieillard est preservable à celle des toures cens.

Que la vie sobre du vieillard est preserable à celle des ieunes gens. p.186, n. 23.

Que l'ambien a volen longuement sain er dispos, er qu'ayant quatre vingt quinze ans , il anon mis en lumere vn autr traité de la sobrieté. Exhortation à la sobrieté. 5. nom 25

I N.